



掣鯨堂詩集

成都費錫璜

同學汪玉珩


五言律詩

潤州聞簫

吳女窺明月吹簫向玉樓  
暗飛千樹葉亂落滿江秋  
波靜龍吟徹山深鶴唳幽  
忽隨煙霧散一半渡瓜洲

雪中過清流關

關山下半空白雪照雕弓  
射骨寒巖月如刀出峽風  
松聲千嶂黑海氣衆星紅  
為報河陽令知余馬首東



豪客

豪客醉傳觴高樓大道旁龍淵抽水白鶻眼照燈黃歌  
雜邊關調衣兼回紇裝曲終驟馬散塵土亂飛揚

歸自獨山湖

片帆搖暝色餘日滿平湖天水分毫髮金銀際有無滄  
波悲李白岐路惑楊朱四顧津難問惟應返故都

揚州

一戰孤城拔江南遂不支國當新造日勢在半殘時竹  
破無完節花飛空故枝艱哉丞相疏感激繫人思

鏡

欲將匣裏鏡挂向碧雲邊光映三秋月清涵四海天時  
時鏹自吐夜夜影長圓不爾寧埋照無勞醜女懸

筆鋒

才人心盡死萬古競毫端微入無形處方知獨到難銛  
堪鬼夜哭利比劍秋寒却怪書焚日山中取兔翰

墨池

秋窓漏明月落我墨池中笑看墨池水隱然起玉虹濡  
毫疑得雨搖筆忽生風無那寒水結騰蛟氣已空

曙星

落盡千星後方知獨有光一天全向白四角尚垂芒顧

影憐殘月驚心見太陽浮雲勿遽掩留爾意堪傷

望西山

一片西山翠飛來入帝都身雖在塵壒夢尚落江湖把  
酒時相對登樓興不孤歸田如可賦雙岫映吾廬

滄海

滄海難涓滴黃金易鬼神馬饑偏戀主鷹飽不依人雲  
別東山暮花歸西苑春朝來殘雪淨始驗物華新

天門山

江如一疋練山作兩蛾眉日月中流鎖乾坤開闢奇龍  
跳春有浪豹守夜無私欲叩蒼巖問靈修未必知

雨霽出都

遠雨明踈直斜陽駐小圓渴虹垂飲海饑鷗上盤天樹  
色霜千葉馬頭秋一鞭問予歸里計雙袖正飄然

南還

白鶴青天上口銜白玉環凌風舒勁翮流響過空山往  
歲辭家去經年鍛羽還烟汀聊自適珠樹未應攀

對夕霞

仙人吹鳳管能放碧桃花韻繞千山外猶成五色霞文  
章亦如此塵世莫浮誇歸去南湖客臨流玩物華

嘯臺

阮公不得志長嘯白雲邊能使蒼巖暮自然生紫煙飄  
空舞迴雪落木響寒泉余亦棲玄客知君意可憐

掛劍臺

讓王如履一劍復何論夙昔心相許死生義尚存堂  
碑陰白日塚樹肅黃昏別有青青草能傷旅客魂

留別孫郎

孫郎吹玉笛送我下揚州笛裡清商怨偏令客子愁嶺  
雲朝盡捲澗水夜空流別爾東歸去相期文選樓

倚欄

倚闌看猛虎極目望歸鴻伏地猶思鬪冲天或藉風長

貧慚婦子久困失英雄歎息頤間肉消磨旅病中

曉渡焦山

一點蒼茫外來登便不同江山收霧氣天地失鴻濛鐘  
莽龍吟雨松寒虎嘯風却疑焦處士猶臥海雲東

大閱

初日正扶桑將軍下教場銀鞦千騎出玉靶一齊張鼓  
沸江湖白旗揮海市黃誰言秋氣冷號令肅如霜

觀麗人上馬

窄袖短羅襦香鞦一握餘臨風吹欲起立地看來無入  
銜苴愁滑攀鞍態已蘇分明難上馬不肯借人扶

出都至通州即以事羈阻黃叔威徐竺村沈介  
眉李唐思家兄來相視共聚藥王宮  
我別京華月仍羈勃碣東殘春將去水送盡落花紅行  
路何多滯歸雲未許同故人重握手一笑藥王宮

仍用前結句起

一笑藥王宮高天起塞鴻浮雲忽分散流水各西東今  
夕杯重把前宵語未終從來離別後難此片時同

樓觀滄海日

樓出寒星上牕臨霽海東潮聲扶日起殘夜入樓中街  
燭神龍紫鎔金大冶紅因悲塵市客猶隔五更風

雙虹閣晚晴

樓角歸殘雨花梢遞晚暄微涼生小牖淡綠淨名園折  
勢雙虹並迴光一鳥翻如憐梧竹影更待月黃昏

良鄉訪祖中江明府

草色青官路馬塵紅帝京一鞭七十里落日孤城此  
夕驚初見先時各識名琉璃河下水清比故人情

湖上

碧澄千頃豁青立一峰孤月似懸秋鏡人如坐玉壺煙  
光隨地有水色到天無肯與漁翁醉隣舟近可呼

青縣

水鄉菰米晚海國鼓聲寒漁子隔煙語船人帶露餐鷹  
秋豐羽翮魚夜躍波瀾擁被何能寐孤燈不肯殘

雨中坐康堯賡齋中同子昭堯賡分賦

雨夜春燈綠寒宵臘酒紅故人千里見心事一樽同坐  
久愁衣薄家貧願歲豐玉瓶花正好為護捲簾風

道觀

桂殿澄秋霽蘭房積晚芬金泥函紫誥玉牒秘朱文畫  
壁無黃鶴空山有白雲仙人遺藥在何處問茅君

關山月

獨有關山月羈人望不同年年隔隴外夜夜入閨中無

雲常似晦不暈亦生風徒令紅顏損何當紫塞通

桃源

靈山多奧秘谷口人家藏漁父偶然到桃花流水香迷  
途難借問歸路已隨忘不比天台上還堪度石梁

固城湖

鏡水合空明微煙上太清景澄孤嶂出風定一規平鳥  
盡影猶見葉飛聲更輕謝公如可作相對此時情

烏孫曲

帝子降烏孫中天下美人影分千里月光照九邊春仙  
樂和笳吹宮香雜塞塵一去輪臺北何時返故秦

馬上

馬上誰家女桃花壓玉鞍紅塵三十騎回首一齊看腕  
弱金鞭重腰輕繡帶寬只嗟騾裏驢忽過彩雲端

燕京雜感

拂衣辭渤海乞米向長安暫快風波定無傷道路難履  
防秋潦汗霜戒夏衣單應被群狙笑書生骨相寒  
一夜風如剪千山葉盡飛秋辭芳樹去寒度塞門歸淬  
劍心俱冷探湯願已違水僊余有操誰爲解音徽  
傾來南國酒驚落淚千行客裏疑新味樽前覺故鄉鐘  
聲寒似雨燈影白如霜聽盡西城鼓深知此夜長

道逢冠蓋客駐馬問生平袞袞隨人後勞勞踏帝京風  
塵憐我困邂逅感君情未識披裘意無勞知姓名  
帝京塵不斷落日九門黃撲面迷飛輓回頭礙馬韉前  
途悲偏窄岐路泣蒼茫明日扁舟具彈冠歸故鄉

天津病中聞柝

不寐柝聲急孤城夜寂寥乾坤人卧病風雨燕歸巢村  
樹關心切江雲入夢遙何時陶靖節酌酒面林臯

入房山縣

路入漸幽邃草深夾岸迴塢村僧買酒山縣馬馱煤石  
井深難汲巖花凍不開此行尋賈墓非爲訪君來

餘日蓬根白荒涼兩騎行草披人影過風向馬頭生野  
路荒難問山田廢不畊渡頭嗚咽水細作斷腸聲

尋賈島峪題留臺尖

為訪先生里騎驢過縣城山如詩骨瘦水亦道心清古  
木樵人伐荒墳野父耕空留賈島峪不改舊時名

重別甘涵齋司馬

昔日送君處春風吹柳花幾年傾百萬何地買烟霞今  
日別君處秋江生荻牙勿嫌沽酒薄雨雪滿天涯

題淮陰酒家

困窮諸漂母陌路食王孫縱有千金報難酬一飯恩碧

桃沽酒店青草故侯門飲罷春城暮功名何足論

金山夏日

怒石插水分流水石相爭處鼉鼉不敢游濤  
聲晴作雨日氣夏疑秋灑灑夔門口何時坐小舟

與朱乾遠話舊

別時期後會會復數前期千日過駒隙三年困馬蹄金  
花開臘酒玉片削霜梨珍重今宵月雙雙照影齊

芳樹

芳樹何年植青葱逼檻生落花猶趁蝶踈葉不藏鶯枝  
弱為風曳香微得露清無人知護惜惆悵為誰榮

李陽河太子廟

江水茫茫綠荒哉太子名虛沙棲片石深樹語雙鶯  
畫壁疑青鏤靈幡儼翠旌犢車誰詣闕千載不分明

杜鵑

讓國飄然去重歸不見家魂爲山上鳥血化路旁花  
開處春將歇啼時月欲斜分明有遺恨埋沒在天涯

韓蘄王墓

孤廟千山雨荒墳一逕松嵐煙明白鳥雲氣濕蒼龍  
虎嘯秋深月僧歸夜半鐘將軍埋劍氣化作翠芙蓉

黃河

萬里黃河水流來塞外沙奔騰嘶戰馬嗚咽亂哀笳  
秋至先聞雁春深不見花昨宵汀上月飛去入進家

甲戌九日同許翁先錢臨澄分賦

連朝風日麗微雨暗重陽樽酒寒逾綠籬花濕更香  
長空收暝色遠樹失秋光負爾登高約題詩向草堂

讀書

怪我長悠忽讀書心頗勞一燈開夜卷萬古破秋毫  
悟入虛潭激神遊碧漢高真源如未抉刻意且皮毛

板子磯看桃花

江水樽前綠桃花戰後紅王敦聲犯關溫嶠泣臨戎  
波

冷羣鷗聚山青萬馬空舟人催不去貪問釣魚翁

秋日過露筋

露筋終不悔雪骨獨堪憐古跡從人說遺踪半渺然秋  
花開苦蕙春鳥歇啼鵲欲問當時事蒼茫湖外煙

吹臺

叢樹一杯土相傳即吹臺涼風動地起秋色渡河來佳  
節明朝是黃花昨夜開文壇非我輩誰繼五賢才

入鄧城僧寺

浦樹暝蒼蒼征橈滯大梁林臯人對雪蘆荻雁棲霜破  
帽尋僧寺寒沙指戰場坐愁殘臘盡何日到南陽

臨淮

四鎮分屯日臨淮舊有名千秋龍種地十里鳳陽城草  
綠彈箏浦雲寒牧馬營婦人歌古調半是楚遺聲

太和

汝潁川相接長淮水獨流辭家經兩月為客任孤舟樹  
少饑鳥聚原空牧馬收更堪西北望落日是中州

除夕至葉縣署中晤楊申珮表兄

客路經殘臘停驂恰歲除雨中燈有影雪後雁無書解  
宇仙人舊城池漢代餘那知羈旅日還得聚吾徒

沙隄同呂舟汝晚步

斷岸千層剝隄分一帶沙雁行排作印麋跡聚成花日  
射星光碎風迴篆勢斜誰憐孤艇客飄泊向天涯

贈嚴子

欲就嚴遵話閑中負酒過梅花君自種春草意如何卷  
幔青山見梳頭白髮多已忘掛瓢累時詠采芝歌

詠帆

平湖杳無際孤帆去去閑遠依青草坪斜映夕陽山烟  
裏看疑沒天涯望不還乘槎有仙侶邈矣未能攀

題某氏別業

避彈知防禍街環解報恩孤飛辭故侶萬里入君門我

別三珠樹來棲一畝園雲霄如見棄尚有舊巢存

同宋豫菴先生入西山訪天下大師墓因遍游

隆恩善感寶珠諸名刹

石塔青天闕金堂靜日閑綠濃經雨樹翠重欲晴山雲  
暖龍藏骨花淡虎守關老僧諳舊事指點亂巖間

山川不能語何處問孤墳寂寂諸峰列荒荒野日曛出  
亾無正史遜國有遺文草服還宮日魚龍已不分

聞叱髯龍去仍爲杜宇歸首丘依故國口血濕斜暉史  
冊存疑似河山認是非少師偏有塚歎息淚沾衣

墓尚名天下依然帝者稱特書豈無意直筆爾誰憎兩

字千秋憤孤碑萬古憑翻憐寒雨外蕭瑟十三陵

山亭小憩

雲際孤亭小巖間細路長幽林通鳥語圓水媚珠光欲  
往看山暮將歸碧草芳閑情無去住徒倚盡斜陽

籠鷹

暫戢籠中翼時窺足下條終年貪攫肉一飽僅肥臆纔  
得秋風健橫凌碧漢驕兒童休眼詫素志在雲霄

聽鶯分韻

張山來招同吳街南周弗菴李大村王景州歙州  
張諧石閔賓連袁中江周軒三卓子任閔右誠張

進也永孚遊紅橋分賦

啼鳥不知數鶯聲獨出羣藏身求茂樹流響徹疎雲隔  
葉參差見移枝斷續聞因君攜斗酒吟臥到斜曛

贈黃儀逋

山陰兩奇士徐渭與黃逵百歲人相隔千秋名並垂才  
長身轉屈志隱物難窺白鹿高文在中郎舍我誰  
嗜酒人稱鬼能詩品亦仙玉壺冰自澈瑤島月孤圓猛  
虎寧教縛蒼松不鬪妍論衡常語我不作枕中佗

鷹

秋空淨如洗萬里絕纖雲獨有胡鷹起凌風勢軼羣神

凝雙翅定晴射一絲分爲掃鴟鳩盡金鈴還與君

贈周軒三

閒居無與晤灑然塵外襟忽來東海客感我北窓心問  
姓驚才子留詩惠好音不忘同學友尤見讀書深

染甲

綃裹啼猩血盆融醉蟬砂紫泥封玉笋金杵擣秋霞鸚  
鵡凝朱喙茈薑脫嫩芽甲痕微褪處初月吐妖墓

烟月

獨愛昏黃月霏霏帶夕烟鏡塵慵不掃梅影澹堪憐玉  
女秋焚桂金墓夜嘔涎海波吞復吐無力洗青天

往郊縣晤楊申珮

今古此明月乾坤吾兩人微涼生白露少別換青春我  
意寡同調君才迴絕塵蘇墳秋草裏拜罷淚沾巾

送敏仲

今古關河恨乾坤草木悲節當搖落後人在別離時雨  
暗孤城遠雲昏獨馬遲君家有古劍何以慰余思

扶溝曉發

今夜扶溝縣五更風色涼溪橋沙似雪村店月如霜人  
影追前騎鈴聲壓後行蘿衣山鬼立遠樹正蒼茫

磨盤山

鳳剝上青霄羊腸細路遙澗陰冰易結山大雪難消逕  
轉愁深谷板欹防窄橋何當一飛渡緩轡任逍遙

關山

攢石馬蹄滑關山路苦辛短衣衝雨雪長劍雜風塵日  
暮傷遊子天寒念老親幾時見顏色計日歲華新

儀真除夜

雨雪遲歸興殘更獨坐傷歲從今夕盡漏是此宵長世  
薄文章賤家貧園圃荒草堂知不遠何事轉淒涼

潞河秋望

三關雄鎖鑰五口扼咽喉紫蓋遮京斷虜龍入塞流雲

黃天近海草白地連秋馬首頻回顧遼金十六州

獵

海色風吹斷秋聲葉帶歸日從鷹背落塵拂馬頭飛草  
淨狐難伏原空兔不肥前山未深入更合一重圍

京口夜泊

江海孤燈暝關河一雁秋霜催兩鬢改潮裏衆星流鐵  
甕熊羆守金山神鬼愁勿矜天下險王濬下中流

送徐竺村入都

過淮無美酒須盡手中盃爾到燕山日江東梅正開空  
吟何遜句誰愛廣平才欲寄湖干橘金盤未有媒

小塘

小塘不自滿塘口隘虛沙時有西溪水流來北港花波  
晴立閑鷺草暖聚鳴蛙自可通江海將浮天漢槎

題曹秋岳侍郎送高念祖前輩圖

斜景下平湖征帆一葉孤送君臨坵坵驚雁起菰蒲別  
興留詩卷秋光入畫圖烟波人未識錯認是漁夫

清明

一百五日節唸花醉柳春二十四橋夜吹簫玩月人粥  
餉風似舊桑柘火從新無食西鄰叟蕭然岸葛巾

新春對酒

公子吹簫地英雄戲馬臺酒漿釀似乳雪片大於梅天  
地隨春轉山河照眼開繫書江上雁何事不飛來

陌上桑和陳堯凱

桑間秦羅敷陌上魯秋胡鳳軒停翠蓋蠶女見金夫致  
辭煩從吏寄語謝狂奴妾是專城婦無勞明月珠

辛盤和何通侯

旅情柏葉酒鄉味五辛盤細細含春軟絲絲疊雪寒糝  
香憐玉手下箸重金蘭風俗天涯異隨時共爾歡

八月十六日喜見月

喜見今宵月能還昨夜明兔毫經雨洗蟾氣逼涼生節

過添詩思潮來應鼓聲玉欄飄桂馥猶接廣寒清

同王謂升閔右誠梅衛瞻張歷山杜書載蕭徵

又訪石濤上人于淨慧寺

吾聞湯惠休高臥城南頭欲訪伊人去閒尋芳草幽白  
雲村向晚黃葉寺宜秋借問無生理塵寰或可求

### 梅花堂雪中梅花

梅花堂者黃叔威所居叔威文采氣誼傾動一時  
京師名流罔不萃集此堂而往來尤頻者萬季野  
宋豫菴楊可師王崑繩朱師晦王膚功戴褐夫田  
子相鄭望士楊東里陳堯凱韓敬一或談經濟或

論文章或考史冊誠一時勝舉當時目為經濟會  
僕與家兄亦與其末座雪中梅花盛開賦此東同  
志

酒味來南國花光近北辰江湖千里雪天地一枝春淺  
水浮纖月水綃露玉人歲寒誰有約松桂結為鄰

### 買花和衛瞻

城西花樹好新買種幽棲露葉已含藥霜根還帶泥愁  
中堪對酒月下共分題不厭狂歌客頻來聽鳥啼

### 贖研和衛瞻

質硯秋來贖憐君舊物存枯池久失水漬墨有遺痕半

載塵埃閉三年濡澤恩欲穿吟更苦涼月滿柴門

送閔山長入都

江浦柳堪折故人初入燕春風衣上軟寒日馬頭圓雨  
合青林色晴分綠嶂煙不忘塵外侶應指海雲邊

古意

繡帶鬱金香名都十五倡舞空韋杜曲歌絕善和坊箭  
袖調鸚鵡弓鞞踏鳳皇自憐輸碧玉早得嫁文鴛

風雨泊湖口關

關鎖東西水山分大小孤長風排巨艦急雨掃平湖客  
路逢岐阻鄉心到此蘇當時設險者不暇問征夫

學魚堂詩集

成都費錫璜人誤

門人汪馥校

五律二

觀海

萬國周靈海八紘開混茫蒸雲來十岳飛雨過三桑蜃  
吐樓臺氣鯨吞日月光吾將浮一葉上問古鴻荒  
日出太平東桃花射海紅彩雲飛不住霽色映成空龍  
嘯天妃雨魚吹少女風回看落帆處已在亂烟中  
陰火煎神漢陽精灌沃焦地機互張翕天道有盈消白

噴千堆雪黃回萬里潮勿愁東注溢大化自然調  
渾天浮萬象括地涌三山大藥何難得仙人竟不還徒  
聞飄渺外常有鳳麟閒亦欲從師去靈槎未可攀  
大鯤生羽翰變化若神龍擊水三千里搏雲九萬重渾  
茫窮宇宙回薄徙山峰何處棲靈跡天池百谷宗  
乘風揚巨舶萬里不移時直到海窮處徐觀日上遲羲  
和回右轡若木偃東枝歎息流光去紅顏難自持  
月皎蘭沙地秋澄桂樹林蛟龍眠夜靜牛斗動波心一  
氣涵天地三塵變古今長吟洞渭曲風景感人深  
大壑深無極高天望不窮孤燈依遠島羣響助秋風霧

失黃金闕星沉紫石宮可憐精衛鳥銜木尚朝東  
颶風吹海嘯一夜貝宮開鼇戴羣峰立潮驅萬馬來勢  
搖天柱折聲吼地維摧忽變虛無色陽侯怒始回  
秦皇昔好道跨海築長橋霞起金虹臥雲歸玉漢消神  
人坐烟月鸞鶴邈相邀彷彿天風外時聞弄碧簫

後觀海

余年三十賦觀海十二首去今十有八年乃偕及  
門汪義尚游東臯復偕孫廷掌攜薛水鑑錦漪游  
狼山住山中三日縱觀江海之勝海日初出狀如  
車輪之火然于大冶之中赤雲扶之洪濤歎涌皆

成異相實平生奇觀又常中夜而起循山徑玩月  
風葉蕭蕭樹影滿身信步徐行浩然忘返明日登  
劍迹山孤峯離立懸厓百尺自嘆平生文章天下  
無有能知余者因鵠聳長嘯投所著詩文一卷于  
海爲風軒飄蕩然不知所去矣水鑑工洞簫錦漪  
善吳歌并稱冠絕當時余踞坐碧雲天半之亭二  
子爲余吹簫度曲中曲變爲羽聲江月始出風過  
松上余不知身心在冰雪間也又明日遊黃泥馬  
鞍二山撫摩元豐中雀梅七百年物也于山中食  
椒雞雞自海東飛來喜食椒味香美遂作後觀海

詩

昔登烏目頂今陟白狼巔鼇柱難支地鯨波直到天江  
聲思禹力石勢走秦鞭萬里仍爲客憑高涕泗連  
文章沉大海不願世人知投水非秦璧懷沙是楚辭天  
風吹忽起雲霧散何之若化靈虬去潛淵有媚姿  
每日山樓望秋懷逐渺茫海潮來浩浩沙日去荒荒徐  
福家何在田橫客可傷不如收釣者鼓枻咏滄浪  
擊節蒼松塢吹簫白玉臺半天鸞鳳嘯九月雪霜來絕  
調誰人賞狂歌只自哀子春瑤島客仙棹幾時迴  
有客揚帆去中流一葦移但知朝日近不畏颶風吹力

小蛟螭鉅心孤鳥嶼疑紫霄槎已斷前路轉堪悲  
 不待晨鐘起三雞天上催紫雲十萬里扶出日輪來頓  
 覺秋懷壯時將病眼開金丹如早就咫尺見蓬萊  
 星宿分諸國東南闢一門草昏亡命伏雲暗販鹽屯海  
 浸防風骨海門縣沈陷時人見儒學觸體大如五斗器山封貳負魂巨寇劉七殲于狼山天風驚  
 未定理亂信乾坤

獨往不知處投空向海濱江窮東有日山冷北無春古  
 塔能為怪昏燈欲化燐松間逢老衲疑是上皇人塔連年被雷火

古戰場

月冷戰場空兵戈在眼中寒沙埋箭鏃春草哭英雄聚

嘯冤難白成燐骨尚紅誰憐寒食近濕雨雜陰風

石榴

一榦臨溪水孤根蟠石缸春陰常在地夜色每橫窓佳  
 實生相並珍禽宿定雙煙晨將雨夕清氣接高江

杯酒間口占新語同程星舫

疊子葵花折牕櫺冉字方黃霜糝槐逕綠月浸苔墻竹  
 洗留高翠池分破古光輦婆中有膽疑是活鴛鴦

斯事

斯事關人代兒曹莫漫論文辭驗經術道義出天真爛  
 熳方爛法從容忽絕塵十年成痼疾吟罷獨沾巾

雨後過六合諸山

石溜穿沙急淙淙殊未平桃花經宿雨柳色近清明雲

碓喧三舍風箏動一城紙鳶俗名風箏六朝餘舊跡千載尚關情

地名  
烏衣

自全椒至白酒岡

路入千重磴崖臨百尺河高低田若旋遠近樹相蹉過

雨啼紅鷄微風戲白鷺馬頭形勝在短褐此經過

往合肥阻雨柴家岡懷浦鷗盟許晨書田梅嶼

獨宿空山夜懷人夢不成雲山將會面風雨滯行程鏽

鐵牀頭裏寒燈壁上明來朝有霽色端坐待雞鳴

至合肥晤李丹壑太史示以近詩

風雨三秋夢江湖千里心幾年思把手今夕始開襟燭

下檢新詠樽前憶苦吟囊琴塵閉久重見此希音

由合肥歸自柴家岡至全椒

落日在山腰經過百里遙饑人甘半李疲馬盼全椒複

嶺莽迴互重關鎖寂寥往來能幾日早見亂紅飄

宿園亭

鑿雪開圓牖鏡霞疊亂山鬪蟲為食客慧鳥當青鬢茵

紫桑生耳蘚紅甄有斑仙翁如不化終古在人間有呂仙像

水次小飲示兒軒兄子冕

白塔一杯酒蒿香荻笋肥海人久相習蜀客竟忘歸魚  
外圓紋動鷗邊側影飛江鄉祖賦急未暮掩柴扉

望夜無月宿揚周子母舅書屋

望夜即無月虛窓還自明雲浮纔掩照雨細不聞聲有  
客凍拳足何人寒數更未逢劉越石深負此雞鳴

見落花因而歎之

竟開何太盛零落亦堪悲童子旋教掃東風却又吹芬  
芳難久駐衰謝不移時何似田家菊秋來三兩枝

拜野田先墓示兒軒兄子冕

西蜀難歸去東吳派又分流離貧未減消息斷無聞脯

醴今朝獻江淮萬古墳先人餘涕淚孫子見遺文

史忠靖公塚

揚州城破日或言死于南門城樓或言乘白驪出

鈔關將別有圖渡城河水漂人馬爲卒得不屈死

塚中或曰葬衣冠或曰真骸骨在卒無其實

鐵騎渡淮淝孤城夜被圍黃旗已不戰白馬竟何歸短  
碣傳疑事空墳葬故衣忠魂招未得化作怒濤飛

大雨

風雨無邊黑乾坤一氣佞海鯨吹石鼓列缺閃金鞭柳  
外嘶羣馬檐前倒百川關心茆屋破危坐盼高天

心病

余自辛巳壬午遂患心病兩年間止書不觀口絕  
吟哦然卒未痊乃成此詩

何物膠胸脇三年結未開文章成痼癖姓氏久塵埃書  
廢課全減情牽去復來惟應將萬事盡付手中杯

折揚柳

春回無處所先着柳條新折柳憐春色將春送遠人衣  
沾南國雨馬踏北京塵莫作鞭絲用徒勞揮手頻

鐘聲

莫打秋鐘動羈魂久未安聲中羣鬼立歇處萬峯寒雨

澈禪心淨霜清客夢殘何時最淒切兩載滯長安

昆陵道中

三年求館穀五度過常州江路逢梅熟山家近麥秋越  
衣初試薄吳語久聽柔未必依人客年年長滯留

入小桃源

鏤玉仙人館泥香桂女亭砌花千日紫

花名

盆草萬年青

草名小閣晨聽雨虛壇夜拜星客中逢異境不自覺飄零

山中夜起見星有會

土室三更夢殘燈入夢青雞聲催夜覺推戶見寒星滿  
天秋欲滴萬里響俱沉歎息空千載無人會此心

遊春

人遊春色裏春色在人中觸眼生春色看春人亦同水  
因歌調綠花避酒顏紅歲歲平山路笙歌送晚風

野步

野步饒幽趣田塍與水涯溪浮田字草路放碗兒花話  
舊雲俱散論詩日易斜人生老農圃事業在桑麻

貞松堂小飲歸途口占

綺食思藜藿璇房憶草堂衰親容槁悴孺子色淒涼京  
國春風晚田園碧草長欲歸歸未得上馬淚沾裳

題祁介公瀚海從軍圖

寒光生練素展卷起烽烟萬里征人影收來尺幅邊黑  
山春不到大磧馬難前平昔飛騰志蹉跎亦可憐

孤坐

黃葉兼紅葉山涯更水涯骨寒肌起粟心槁髮開花酒  
罷時孤坐詩成別一家鎮西如不遇已爾復何嗟

海村

海色紅黃入市喧重沓聞剪蘿透殘月護松留曉雲馬  
偕雞豕牧人與鷗鷺羣困窮已分定不夢青洪君

田子相游晉中

黃水縣句注青天插太行馬前懷潞子鼻上弔汾王關

塞身何往飄零鬢有霜神丹猶未就空想白雲鄉

俠客

長安樊仲子槐里趙王孫市馬過沙苑馱蓐入塞門破  
貨因結客學劍為酬恩一遇魯句踐終身不復論

卜宅

一室關天地他鄉送晚春誅茅原有約好德豈無鄰風  
雨重門閉江湖萬里人浮蹤將可定飄泊淚沾巾

村西高家坂溪口

驟雨漫長溪虛沙落斷堤旁流分々以弱柳藉樾橋草  
長裙沾潤萍高屐陷泥山人家不遠只在荻花西

癸未秋至黃子湖欲拜亡姊墓而無人識其地

不勝悲恨

甲戌曾過此重來癸未秋無人知墓道何處哭荒丘幼  
弟今衰病王郎已白頭空將兩行淚灑向碧湖流

槍

攢竹黍苗直鑱銀柳葉銛百交鋒不減所刺甲無堅霜  
女飛花亂神蛇掉尾圓技成烽燧靖施巧是何年

憶南湖

日落湖水清月來湖水明波中魚應節花裏鳳調笙白  
舫三人重絺衣八月輕固鶯南市酒正憶武昌城

萍

江上浮萍草無根亦自生飄飄萬里客栖泊一同情膏  
土誰相借驚波漫不平乾坤泡影裏何地算金城

初夏過高郵

燕乳花間屋人登水上樓柳能晴作雪麥以夏爲秋新  
笋甘於蔗春醅釀似油扁舟隨處泊今夕在秦郵

登荻港山愛其山石靈秀

吳舳如代馬百里片時間却帶楚江月來登荻港山拳  
拳靈石秀肅肅野堂閒愁寂東歸客登臨一破顏

勾曲山

神山千里拜陰洞百靈朝鶴下茅君返花開葛令邀星  
壇高應雨龍井直通潮自嘆非仙骨無緣躡紫霄

玳瑁猫

俊眼琉璃碧奇毛瑤瑁斑鼠形難傍社虎氣必空山畜  
汝三年久依人盡日間異能無所試捕蝶戲花間

猫

錦食徒知飽金鈴亦可哀雲圖張氏貴粉鼻陸家才獨  
臥一拳雪遺踪數點梅書函愁鼠輩倦眼幾時開

買田黃家樂

世事吾知拙惟應就薜蘿家貧爲累少身病獲安多王

道先雞彘幽風重黍禾薄田溪水上步履幾回過  
題垂釣圖

三千六百釣烟月十年寒大物吞鈎去非熊入夢難詩  
書拋象外簑笠老江干酒罷看圖畫滄洲野興寬

扁舟詠

扁舟不復繫從爾到天涯放意衝寒雪全身入暮霞無  
邊窮水月隨處問煙花此志猶難遂詩成只自嗟

鸚鵡詠

隴山鸚鵡鳥自向隴山飛一入君籠絡隴山不可歸隔  
花調口舌映草惜毛衣言語無多少還傷知者稀

明珠詠

海客將明月光輝燭斗垣千金不肯賣萬里獻君門持  
重非求價相投為感恩無功翻按劍已爾復何言

王喬詠

王喬紫烟客嬉戲碧山頭度漢笙簫落凌空環珮秋鶴  
歸明月渺人去彩雲流向夕雙星會家家望女牛

贈清湘道士

桂水分支遠韓江養拙尊子喬非道士曹霸是王孫嶺  
表空回首城隅日合門腰間留寶玦涕淚滿乾坤

入洧川山店

午辭卓茂廟

廟在涪川有高墩

晚入一村孤山店寒懸兔野船秋

渡驢橋危橫板折龕破老僧枯借問當壚婦厨中有火

無

秦樓曲

郎吹金鳳管妾和紫鸞笙噦噦和昭夏雙雙凌太清秋  
海搖紅月春雲繞碧城一別秦樓去人間絕此聲

戲為倒疊對

家世擅豪華西京七葉誇玉义义玉軸金剪剪金花盒  
鈿螭蟠月釵茸鼠抱瓜為栽文竹笋却鏟牡丹芽

與家兄并兒子輩論天下詩人

屈指乾坤内能詩復幾人大都成實少僅作好花新零  
落悲前輩馳驅絕後塵吾文三變矣頗見昔賢真

萬事

萬事頭將白千秋書未成歌吟非實濟天地只虛生俊  
鶻飛騰去疲驢欵段行牀頭雙蟋蟀何苦競長鳴

臘梅

生意何憔悴花時絕可憐半含常蜜潤全吐亦珠圓雨  
露今無地風霜別有天不須傷太晚却在早梅前  
松柏猶相避無花可作隣一枝偏犯臘衆木待逢春歲  
盡寒堅骨宵來雪助神蠟丸先有信誰寄隴頭人

收盡四時氣難開是此花乾坤留正氣霜雪任橫加松  
液將成魄金丹始結芽貧家愁卒歲何用報年華  
昔日霜簷下擁爐常苦吟今朝山寺裏踏凍遠相尋歲  
月僧家臘寒暄佛殿陰只疑珠樹在花蘂盡黃金  
跼萼亦柔嫩如何耐歲終非標孤節異羞與衆芳同病  
妓立煙外枯僧僵雪中焦山傳異本欲採畏江風  
今年冬較暖開遍大江湑枝上春先借苞中冷未知瓦  
瓶留過月瓊笠看移時不畏風搖落紅簫任爾吹  
有汝時華備無斯天地窮力能欺素女權不在蒼翁几  
案非供玩山林待補功年年常一色多愧歲燈紅

臘梅花似蠟人以蠟爲花假色雖相亂真香定有差冰  
池瘦影落雪屋凍枝斜折取將誰贈詩寒有孟家  
水仙堪作婢天燭止爲童琥珀原無價珊瑚借映紅留  
香重紙護愛色蠟燈籠共此瓶中水誰憐意不同  
三年詩盡廢五字爲花裁憐此黃金嫩能迎白雪開陽  
春猶未復奇骨竟終埋今夕花神泣飛香入夢來

館汪氏自一枝栖移入瞻芑堂有燕巢于梁上

感而詠之

畫棟何心入爲巢亦偶然依栖能幾日湖海又經年王  
謝曾相識皇孫何處邊倉琅猶可問努力向高天

樓曙

梧榦綠如銅珠樓臨曉風竹敲聲比玉月細勢成弓羅  
帳涼雲外美人秋夢中此時魂欲折綺日上窓紅

野田先墓

墓旁一曲水亦號董家河

新繁先壟近董家河野田先壟北里許亦名董家河

滄海分餘

潤春暉滾綠波紆迴新氣象冷落舊巖阿萬里名無改

追思涕幾多

不遇

不遇亦何害吾書豈偶然一身多疾痛四海半年

癸未

報凶災者數省

久雨雀推算

久雨初霽雀聲一一如打算人以爲必晴之驗

長貧鼠數錢

鼠作唧唧聲如數錢

即悅云你數我穿主人必發

無薪兼闕米應爲主人憐

舅氏廳事聞瞽女歌

淡風兼薄雨吹冷入茅堂雪刺旋秋白冰弦度夜黃老  
人齒微齷年少骨飛揚莫愛吳娘曲吳娘鬢有霜

爆竹

一錢供一笑燁爍也堪聽花落連堦紫錢飛滿地金喧  
闐新歲意零落幼年心拍手看兒輩先生只苦吟

劉德問妹夫歸海陵

問汝還家事囊餘十九錢得歸雖可喜竒困實堪憐飛  
躍知何日馳驅失壯年東關城下語重話欲潛然

並蒂蘭同蕭旦初李曉村賦

同心憐臭味同臭復同心色淡如聯玉交真比斷金珮  
宜雙結帶調入合絃琴勿謂盆中土陽和已漸深

泊南陽夜聞擊柝蓋河卒應行舟役也

晚泊南陽鎮蒼茫問古津尋榜遙望火隔水夜呼人擊  
柝憐無籍誅求近不仁出門憂盜賊行住總悲辛

立夏後三日閔左臣招集水檻山房并寄王勿

齋前輩

花盡天多綠林深地少塵名園逢首夏良會憶殘春竹  
影翻牆亂鶯聲入耳新風流懷一老悵望海之濱

千章夏木清

初夏名園靜虛潭亂木高千章遮赤日一徑入寒濤坐  
臥煩全滌行吟暑可逃却嗟襪襪客終日苦塵勞

別人歸村

欲放扁舟去桃花正亂飛穿紅三里過破綠一帆歸似  
豆江梅小如刀湖鱗肥憐春兼惜別握手各依依

秋夜

水落江村夜家家塲圃清雙池雙月影一葉一秋聲舊  
疾終難遣殘書久未成百情俱謝絕何論此浮名

甲申偶計同人于咸受庚子劉德治及家兄辛

丑于丹元壬寅張羽可癸卯胡羽鵬及余甲  
辰劉德問彭子覲乙巳皆逾四十惟咸受丹  
元子覲僅自給餘皆衣食于奔走偶成四十  
字柬諸子  
飛騰催暮景四十古云然同是悲涼地都非壯盛年江  
湖春自遠疾痛日相纏怕作長征計河干學種田

歸村

長嘯歸東海人間一布衣掛書青犢健把釣白魚肥儒  
術狂且笑文章識者稀不如偕婦子長採北山薇

九月授衣

寒衣今未授秋已盡江南曉坐嗔霜犯宵吟仗酒酣裝  
綿羨杜二忍凍笑陳三王政方超古幽風勿復談  
韓帝簡喬梓過胡莊新居

三人過樹脚折入斷垣來收葢疑還錯彈冠笑忽開黃  
莊今可住舊館幾時回我亦新遷者荒園尚草萊  
河南友晚至貧不能留

竹裏喧雙雀人過渡口來一秋花院靜傍晚門開下  
榻無餘被傾壺只數杯不因貧太甚忍使爾空回  
訓藏璞上人仍用贈高鴻旻起句

秋色無尋處敲門問老僧論詩逢賈島喻法見盧能標

指明孤月微心會五燈南宗今不振憑藉一枝藤  
尋秋至二巖菴遇故人高鴻旻時高將歸楚

秋色無尋處登樓忽見君江湖萍又聚淮海路常分別  
興歌吳曲歸心切楚雲那堪簾影外黃葉正紛紛

疊前韵酬高鴻旻

寂寞城南寺逢君即送君小樓杯重把岐路劍難分遠  
浦遲雙鳥歸帆急片雲江寒多晚景霞彩暮繽紛

三疊

海內能詩手英雄屬使君風騷誰獨步壁壘與中分黃  
國二年月青山萬疊雲懷人兼感舊今夕思紛紛

晚鴉

鴉飛羣影上影落竹邊沙日暮聲聲急風迴翅翅斜類  
多寒始聚巢破久無家努力春風至霜田掘草芽

自塘頭歸胡家莊

一盞秋風破到門始自收英雄太無色僮婢也堪羞草  
履絢全斷鶉衣帶不留從來傳世者不解爲身謀

采薺

采薺鹽河北春風吹白衣乾坤吾欲老湖海雁將歸縱  
使侯鯖美何如野菜肥市朝多鄙者此味恐知稀

甲申十月七日放舟至樊汭過于家莊上河墩

下河墩晚與家兄宿紀家莊十家林土而

繫舟蘆葉下今夕水村中壁缺月光透窓虛露氣濃羸

牛終夜嚙貧女隔宵春别有荒涼處村燈近水紅

大略今無用晨炊不自謀已甘湖海老那有帝王求早

晚呼鷄柵烟波護鴨舟秘書如注就分付與沙鷗

與家兄論握奇

水浮船似鞞野積草如山渠淺傷農力風多悴客顏五

年成小住一日自為閒有屋仍無樹分明太古還

自庚辰始可居

陳堯凱自翰林出為筠連令與予有約未果書

此寄之

去朝將萬里為令已三年山勢圍孤縣江流匯兩川琴

聲烽火外春色虎狼邊未遂還鄉志懷君夢久懸

興體送儲禮執汜雲

濯濯堤邊柳青青陌上桑征夫歌雨雪之子去雲陽寄

興憑毛穎忘憂得杜康弟兄皆國彥鴻雁美同行

我家

我家淮水圻二十四湖東門外蒲帆綠霜前柏葉紅詩

傳天地外身老薜蘿中林鵲聲聲樂吾懷與爾同

韓園

柳鶯三四轉舟始過虹橋野興偏宜緩鶯聲何太嬌  
針初刺眼蒲箭已齊腰為問韓園叟藤花發幾條

懷閔右誠客蘇州

秋星羅十二壇坵是君開九度張文陣南遊尚未回  
金風生劍石白露冷蘇臺若過重陽節匆匆歲事催

夜寒

此夜寒無賴霜風太不仁酒波堪冷面燈焰欲吹人  
裘破三年補花稀一朶新初見臘梅花病夫肌有粟那  
不盼陽春

懷羅平知州張豐村

故人官萬里垂老在蠻方茂績已三薦腰間尚未黃  
產

屏諸水毒有麝一山香何日尋初約因之過故鄉

舞鏡

后羿射九日九日墜吳淵燿燿從天落紛紛過眼前  
彩霞生舞席明月上歌筵欲向嫦娥問今宵應未眠

舞燈時病目屢次未觀

舞燈妨病日老去怕看燈自笑成枯木忘情過老僧  
神仙徒見說豪麗竟何曾猶有高懷處名山不厭登

放意

放意尋秋去柴車任所之秋光無定處秋客少停時  
過澗白雲滿穿林黃葉披誰能如櫪馬終日貫金羈

歲暮坐村師館中

土壁硝花出月殘光半庭童歸仍饋粥儒老尚傳經雪  
盡紙窓白歲寒燈火青誰家春帖子滿案太零星

平生

無數平生事銷亾一病中含冰心自冷看劍氣猶雄已  
悔為書誤徒傳作賦工與吾終始者只有北鄰翁

良時

流風吹燕尾燕子不曾知穠杏將開日芳春未暮時美  
人初鬢髮才子始工詩此會真難得紅顏及早持

燭煤上檄欖花

燭煤簪果核燭焰吐奇花頃刻一枝綻分明幾瓣斜道  
成蓮出火丹就雪生芽今夕憑君看仙家與佛家

興體

花叢宜燕語有燕覺春多燕子今歸矣桃花奈落何青  
雲偏齟齬白日每蹉跎請看桐江水朝來有淺波

繡毬花

一蒂千花簇一花千蒂交踟圓天女蹴毬起雪獅拋此  
日吟高閣前年醉近郊前年飲王氏繡毬花下各賦詩舊詩總飄落回首付

蓬茅

覓蟲

學齋詩集  
三  
覓蝨荒齋夜移燈傍泪痕破衣隨處裂敗絮幾回翻誤  
怪寒輝暗誰憐病眼昏十年南北路每事痛慈恩

臘月十二夜歸村

川月四更落到門已五更河流脂膜凍薄凍也天辨雀盲

明俗謂辨明為雀盲亮星露常終歲饑寒過半生回思京國路中夜

一舟行丙子八月夜舟行自通州至天津

常近宸潘似山過村中

海陵兩司馬近暮至江干不識柴門閉還尋廢井乾土  
墻過榼酒隣舍合盤飧豈獨貧家困年荒比戶難

雲霧草謝中洲上人

黃山雲霧草皎若雪霜姿展拂千條結持來滿把絲性  
寒兼藥貯味好與茶宜珍重溪公意相酬白紵辭

水村

野田東北去村墅入荒寒雪外橋三折烟中水百盤地  
猶秦日月人未晉衣冠亦是桃源洞漁舟再到難

村夜

村夜百機息桑榆辨渺茫犬聲一巷月人語滿船霜秋  
遠蕎花靜宵深橘葉香幽懷無與晤獨立咏滄浪

胡家莊新居見河帆

獨立帆帆過雙眸納納虛素痕移白壁遠景助吾廬近

地難求宅浮生且定居鄰翁憐甫至日送小籃魚

嬌春

墻角裊春叢梢梢豈寇風月波流恨白花地壓愁紅鬢  
尾挑胡燕腮痕膩守宮遲遲春色賸十五正春容

自靖江歸過白衣堂

再過白衣堂桑榆在早光渴驢奔野碓吟帽入秋莊黃  
徑草堆葉白橋板有霜貧官無所贈添句壓詩囊

石門

靈峰人不到雲鑱石門幽過盡三朝雨桃花出洞流藥  
香來白鹿苔軟臥青牛聞有真師秘勞勞未敢求

黃州送及門秦生銜恤歸吳

汝今銜恤去涕淚滿江湖故國秋俱慘他鄉道益孤青  
山封及早生計待何如喪禮吳風侈貧家稱有無

看花

看花殊不樂病眼怯春光生命何多累長貧也未妨倉  
深鼠有粟湖遠雁無糧祇應從道術內視是神方

過皖城東江村

席帽臨風側崎嶇馬不前高低楊柳雪明滅杏花烟白  
滿雲生浦青齊麥秀田望中有佳處惆悵隔長川

尋秋至江干小村

江北已蕭索江南木葉稠一江餘半綠十里不同秋港  
曲逢僧問舟輕得樹留老懷隨處適此外不須謀

汪聖郊置飲話時事

鏡來人面紫始訝酒杯深雨閉三時氣燈開十載心桔  
槔城內動黍稻海中沉聞有蛟螭發饑寒那更禁

園中果熟日為鄰童所取

果熟時時數村童日日來棘籬終不設蓬戶且長開入  
俗予無忤分甘爾漫猜小竿能上樹莫折弱枝梅

初移胡家莊載書

又卜南村屋移書近水陰文章疑有待天地豈無心臥

海人空老懷鄉淚不禁屈原漁父賦感歎一長吟

送魯蒼舒令峨眉

西川雖僻地遊宦得名山水雪千秋白娑羅五色斑流  
民今甫集遷客未能還萬里東風便飛橈詎可攀

穹窿山道宮

絳闕開青壁丹梯上紫微松聲泉共落鳥影葉俱飛花  
引樵人入雲迷道士歸仙靈未可遇悵望石巖扉

館中演劇謝病不觀

夜燭妨侵眼春花不到心夢將雲共遠書與雁俱沉忽  
忽芳時去皇皇老態侵滄浪漁父曲行坐幾回吟

塞下曲

青年隨戰伐黑塔屢經過  
校獵秋燒野勤王夜渡河  
雲昏關月少風起塞塵多  
獨有銘功石終今猶不磨  
一度盧龍塞傷心景物殊  
秋風嘶老馬落日散饑烏  
嶺上寒雲合閨中明月孤  
還聞遣博望雨雪在長途  
萬山懸落日一鶚起秋風  
下馬呼姬店垂楊繫鐵驄  
金甌不覺醉玉面自生紅  
南客休流涕關西曲未終  
山南山北客寒暑一羊裘  
大馬來關外英雄出夏州  
朔雲高不散隴水咽還流  
志士空年老何人爲國謀  
大漠陰霾積寒門日月偏  
鷹風橫掃地狼糞直薰天  
馬

飲黃泥淖人吞毒草烟斷碑無甲乙  
只記馬兒年雁門諸部落四十八家  
王察罕稱能戰朵顏號最強黃  
金求狗馬白草臥牛羊懷恩都內屬  
大國外無疆總制在三邊風清萬里  
煙漠南無牧馬塞北且屯田漢  
卒韜弓臥羗兒抱玉眠太平消戰伐  
不羨勒燕然黃塵深似海白日落如  
霜江爲長冰黑天因百戰荒鷹  
風鑽箭眼馬汗犯金瘡朽骨看成土  
何人酹國殤

秋懷示內子

原憲貧仍傲相如病不妨  
髮過強仕短漏入早秋長  
薪盡思鉤注膏殘得夜光  
無官卿勿笑老作校書郎

初冬

藥雨方罷點稷雪已拋珠階冷百蟲蟄林空一葉無望  
鄉仍楚尾作客又冬初頭白成何事青檀舊腐儒

李太白墓

墓上有筆  
蘆星竹

生時懷謝眺死葬謝家山天地無今古精靈有往還筆  
蘆寒吐雪星竹翠留斑莽莽浮雲過榮名只等閒

挽徐粵宰

有弟在萬里無兒竟一生冷殞腸易斷春草夢難成客  
散囊金盡人歸墓樹平遺書何處達為爾正含情

莫學

莫學陶貞白無官却仕梁山中呼宰相方外佐君王斯  
世何難棄此心猶未忘江潭有漁父鼓枻詠滄浪

可憐

可憐王景略生值亂譁時不合南朝帥遂為北道師投  
鞭真監子賣畚是男兒遺策存江左君心驗在斯

海內操觚者甚衆而知文者絕希况余違俗與  
人觭偶知余文者益鮮閒居病目殘帙零頓  
置之而已感叔威以書問且戒余吟哦因作  
此荅之

自草河東賦三年未著文不求楊狗監安用謝將軍少

作今方悔殘詩半已焚勞君書見問風藥落紛紛  
丙戌清明日大雨近晚始止燈下懷蜀壟

燈光風不定雨夜客孤眠眼盼三更月心悲萬里天春  
花飄劍外華髮老江邊烏鳥西飛倦何由寄楮錢

送劉東郊李客山遊南京

二子江南去桃花江上開香中雙櫓發紅處片帆來金  
少徒工賦天高不愛才如題懷我句同上鳳凰臺

稽留峰

今日論人代夔龍讓許由已將天下棄安用一瓢留雲  
鎖孤峰斷苔侵古洞幽清清溪澗水誰復飲黃牛

觀畫風雨圖

石壁懸風雨雲林畫一丘空中疑有響盛夏忽驚秋小  
坐堪捐扇徐觀欲取裘三宵留不去展轉嘆僧繇

緬甸

緬甸神黃豆千金一粒難力能回造命功不下靈丹斷  
續成三顆封題自百蠻回思殤子女不覺眼珠酸

白塔河

龍骨高盤水馬牙橫打椿秋燈紅近寺野月白連江老  
蚓吟危坼飛蟲入破窓叩門尋一叟此夜景無雙

南樓聞雁

昨過甘寧廟今登庾亮樓九江何處雁萬里一聲秋肅  
蕭將安往哀哀如有求雲霄雖可到吾却慕沙鷗

品字對格

放艇烟波外乾坤入鏡函水光天合一人影月成三鋪  
雪輕繡扇臨風白越衫湖蓴洞庭橘正想大江南

一字兩用格

豈假公卿重無愁姓字湮病傷心不死貧到骨猶堅有  
志何妨老相逢莫問年古來揚與馬未達有誰憐

懷鄉

天地無歸處江淮未定居浮萍萬里外種樹十年餘每  
拜西郊墓長懷故國廬苦吟頭早白夢覺夜窓虛

月夜過李唐思

一巷深黃葉墻陰帶月寒扶來筇影瘦踏去履聲乾叩  
戶無人應窺窓有燭殘懷明如未睡同步向河干

襄城旅次

草木餘兵氣荒荒尚未休寒雲低大野暝色帶高秋縣  
古關常鎖濠淤水不流長途憐老馬日暮望門投

秋樓

樓在高秋外秋光四繞樓簷前鴻不斷檻外火西流日  
落樵漁散江清黍稻收豫州天下士獨臥最高頭

秋帆

烟水去無際往來常有風飛騰從汝力飄泊待誰同浦  
樹看疑沒江樓望不窮夕陽秋更好明滅夕陽中

秋瀑

瀑水乘秋發崩騰落檻前穿雲流一色歎雪響諸天虛  
壁無聲過寒空有象懸豈徒塵想淨到此并忘年

凌歊臺

今日靈妃館當年霸主臺笙歌餘鳥呀羅綺辨池灰列  
嶂排雲出長江送雨來雄圖今已矣登眺獨遲回  
步至田家巷巷去野田二里許去胡家庄七里

許

昔在西南角今當東北隅轉移十里內來往廿年餘野  
路分三汊居人有二徐吾生此地老行過每躊躇

馬沙早行

殘夢出城市不知入莽蒼曉田分畛域秋葉間紅黃人  
語浦舡月馬行江路霜歸程與歸雁相較更誰長

詠羅浮應梁藥亭

聞說羅浮勝奇峰有二樵蝶翎文似鳳竹葉大如蕉配  
極雄丹傲飛梯上紫霄會尋九靈子鸞鶴共逍遙

菊花

黃淺金錢綴紅深玉面  
酩由來霜霰力無奈此花何雁  
唳吳天月蟲吟楚水波幾多  
蓉與桂強半總消磨  
昔種岷江淡今栽淮水涯  
開時微有露過後更無花  
冷落秋氣稀疎斷歲華  
杜陵他日淚心折望三巴

南郭種花園中賣花且過半而幽草萋萋如故  
感而詠之

漠漠無心綠纖纖作態工  
由來幽草意不與市花同得  
失曾何與榮華會有窮  
土鐺茶正熟已約北鄰翁

興體懷張羽可劉興周客清江浦

清淮一帶柳憔悴尚婆婆  
娑十月寒如此故人衣若何安

陵紛擁節奴子雜鳴珂  
此日難爲客歸來臥薜蘿

潯陽聞角

吹角江城暮危樓落照西  
枯魚過水泣老鶴帶霜啼  
廢館羈孤客虛舟有怨妻  
誰能霜月下聽此不凄其

目病六七年不痊偶檢近詩見于吟歎者十數  
處慘然自傷

眼病何時愈燈前暗自傷  
無錢致苓朮有物據膏肓  
命在醫何益書成瞽不妨  
古來誰與友左史與文昌

春遠

春遠柴桑靜午長  
鳥雀喧細蜂爛禮法  
野老醉乾坤樗

散頭將白飛揚氣儼存太平身眼歷不識荷誰恩

與汪翰林

君已乘車日曾申戴笠盟半生踈嬾跡三載廣陵城虎  
鼠分河漢行藏隔姓名夜來春雨過芳草滿江生

百鳴

百鳴河中起孤舟雨外歸頸長隨勢蹙足短驗身肥犯  
稼妨相怒投籠識所依饑寒憐豎子泥濘一蓑衣

蔣老

頭白蔣夫子奇貧奈汝何兩兒居胃脯一子失江河事  
去嗟何及書來約更過草堂本踈豁不厭客狂歌

吾友

世少真名士如君始是真羊皆皮虎豹驢亦植麒麟白  
眼輕時輩狂言罵古人吾將逃大陸與汝共為隣

題李虬峰幽居

北郭招提北幽人一室幽牀高書冊滿院小薜蘿稠客  
至每過午花開常似秋君家門第貴群從擅風流

梅花

吾與梅花老梅花知我心不嫌青鬢改長伴白頭吟聚  
窟何由到滄江日積深東南天下府猶恐誤沉陰

天寧寺訪顧幼鍊

蕭寺飛黃葉故人歲莫心鐘來高枕切月下小樓深案  
滿投名刺牀空結客金英雄都老盡為爾一沉吟

次三江營野寺

風急江樓雨雲沉水寺鐘老僧應獨覺貧女切寒春天  
地心知悔威靈耳似聾饑愁湖海徧望幸意從容

黃州雪夜

壞壁涼風動虛齋百感生近江晴亦冷積雪夜常明不  
寐看牕隙關心數柝聲饑寒催寇盜愁絕廣陵城

掣鯨堂詩集

成都費錫璜誤

同學許彪閱

七言律詩

老將

挽強超距舊雄圖短褐長鏡一病夫老去廉頗思用趙  
歸來范蠡未忘吳劍花夜雨生苔蘚甲葉秋風鏽鷓鴣  
欲就青山謀一醉斬王墓畔酒堪沽

金陵秋夜

雁度南江木葉黃美人羅袖拂輕霜石頭城上西風起

玉笛聲中秋夜長楚客靡蕪悲帝子班姬紈扇怨君王  
傷心獨有秦淮水猶繞蕭梁舊粉墻

揚殿宣至野田

荒邨寂寂面江干兒女驚聞客到歡百里泥塗勞馬足  
幾年風雨闕盤飧長懷故國烽烟隔久住殊方門巷寒  
麥飯未忘天下事與君剪燭話更闌

軍中

黃河月皎受降城幕府春深細柳營驄驕旗中惟署姓  
麒麟閣上不書名塞垣草綠牛羊散朔漠風清禾黍平  
勿道廟謨資白面古來大將半儒生

轅門落日淨氛埃越甲燕函上國材碧海濤翻金鼓動  
黃河雲捲繡旗開文螺浮白千人醉畫角吹青萬馬來  
近日漁陽無獵火野花紅遍李陵臺

荷池

侯門門左碧池蓮蓮葉田田荇藻鮮鱸鱧東西南北戲  
鴛鴦三十六雙眠交合桂月金波灑自寫菱花玉鏡圓  
最是高樓調瑟婦妝成常對曉牕前

泰山墩岳武穆廟

風塵湖海屯兵地熊虎中原血戰年斷碣傳來鎮撫蹟  
古墩掘出大觀錢甲戌墩中掘出錢數斗皆有宋年號山河不贖班師恨草木

猶知具獄寃卽使燕雲收復盡兩宮頭已白烽烟

林亭雨歇霧霏霏東郭野夫來欵扉垂澗藤花開卽妥  
弄風蝴蝶歇猶飛石橫眉黛雲長掃草綠裙腰人未歸  
對酒雙鳩啼不住珠簾鈎上戀斜暉

烏

三匝高柯意可哀依栖不定自徘徊火焚陵樹將雛去  
日落江湖帶影來半夜獨啼隋帝苑黃昏齊噪魯連臺  
昆陽城北漁川口曾與君王指路回

寄萬縣令房公

夔州萬縣萬山寒上接巴渝下雲安江聲裂地寒星鑿  
峽勢封天古月蟠蓬首負鹽憐野女花裙進酒笑蠻官  
爲令三年何所寄空傳詩句到湖干

久雨

社前社後雨催麥村北村南水滿溪綠篠娟娟難自直  
斑鳩苦苦爲誰啼孤帆北去愁沾濕萬馬西征盡踏泥  
野老不知天下計朝來決溜灌花畦

雪

幾片迴旋作勢斜穿籬壓竹故交加弄風乍似輕輕蝶  
粘草偏如細細花江店昨來梅漸破荒村無路酒難賒

偶懷老友西溪卧便擬騎牛到水涯

友人家看秋色

劉君宅内秋花滿把酒來看淚泫然不惜秋殘紅葉下  
可堪人老綠樽前朱門側足羞先達紫帽回頭羨少年  
萬事盡輸差可快千秋贏得幾詩篇

題玉池生詩

玉池詩似黃河水一氣奔從天上來神禹力疏星宿出  
巨靈手擘華山開魚龍春戲桃花動鸛雀高窺銀漢迴  
大國雄風今再見梁園賦雪愧非才

送陶奉長還湖南

楚蜀人文絕代同百年兩過亂離中揚雄位可參周易  
屈子騷堪補國風芳草曲終湘水綠杜鵑啼罷錦江紅  
送君無限臨岐淚不獨京華吾道窮

寶珠洞

長林鬱鬱擁迴岡日氣陰森近午涼青嶂何年開鹿苑  
白雲隨意入僧房彈琴松子聲中落跌坐蓮花定裡香  
借問寶珠今現否清輝肯爲燭迷方

書懷

食肉封侯事已虛生年二十學孫吳買刀未試屠牛技  
聚米能爲破敵圖得配才人廝養卒快騎大馬霍家奴

腐儒窮死原常分恐負平生萬卷書

秋風回首已堪憐萬事從來及少年  
馳馬勦兒誇壯健當筵舞女鬪嬋娟  
若教一誤終身錯即有千秋異代緣  
紙上姓名君莫羨當時不抵一囊錢

山杯湛綠野花紅對酒休談王伯功  
安石起時猶掩鼻深源歸去但書空  
函關未必九泥塞銀漢難將一葉通  
寄語如今天下士退耕南畝是英雄

寒燭凝花影乍偏誰吹篳篥近江邊  
甃沈螻蝻三更雨波冷芙蓉十里烟  
煨芋殘年留作相種花餘事可成仙  
兒童爲謝安車去督漫先生正熟眠

自笑狂夫一事無眼前筆墨縱荒蕪  
飢從猛虎求餘食戲擾驪龍探寶珠  
格調都忘詩獨絕盤飧欲盡酒重沽  
漫誇房魏竒功業王道由來一腐儒

書來墳墓報平安獨立清宵淚不乾  
豈戀蕪城久住好傷心蜀道欲歸難  
星搖湖水秋天濶鼓動江樓夜氣寒  
寂寂月明千萬里有人吹笛倚闌干

錦水書來慰所思家山萬里見無時  
蒼鷹出籠嗟何晚黃菊開花恨已遲  
壯士聞雞會起舞書生倚馬尚能詩  
淮南米賤江鄉熟墨突無烟亦可嗤

關山無際極蒼茫目送南征雁幾行  
四海有雙非國士

終身不偶是真狂書成自信千秋業筆健難埋萬丈光  
一別故人西嶺去江湖回首暮雲黃

感舊

南北東西不計程燕齊趙魏幾回經水村沽酒橋邊月  
野店聞雞夢裡燈催上馬時鞭脫手醉題詩處硯凝冰  
髻年即有深山願老大於今媿未能

汴城晚望

落木蕭蕭汴水清雲沙何處雁飛聲河蟠雍豫千支合  
地拓中原萬里平累代廢興難屈指百年禾黍獨關情  
夢華空有遺民記不是宣和舊帝京

旅懷

雲滿桑乾帶影流西城風景不勝愁杯浮凍月寒生齒  
笛落梅花雪滿頭是處望春傷遠草誰家聽雨怨高樓  
江邊舊種琅玕竹三歲成陰待我遊

送人歸南湖

薊門春盡柳條蘇送汝乘風過直沽時逢梅熟天多雨  
路到桃源地入湖何處酒鄉千日醉誰家漁唱一帆孤  
西隣便是天隨子早晚相逢在荻蒲

送姚玉階游衡山

幽薊風高黃葉稠客中送客下衡州湘流抱岳千回曲

岳勢臨湘九面秋帝髮雪霜依草蔓禹書風雨閉岫嶮  
重陽我亦遊青岳素手相招在上頭

衡山有明建文帝薙髮化為草叢生若髮然岫嶮亦

若平讀本  
作句婁

西塞

邊聲雪後震蓬婆大漠秋高鞞鼓多  
白草白沙埋白骨黃雲黃葉滿黃河  
羗兒犀腕調酥酪番女花鞞跪駱駝  
互市不勞都護力西戎新受漢家和

途中入野寺看雞冠花

野寺巖扃夕照邊客來踏破一庭烟  
映階小草羞牛後異地逢花媿馬前  
高下影披三徑礙淺深色開五雲鮮  
村西亦有好秋色不到傾杯已隔年

登樓

青鏡霜華入鬢邊夜來頻夢五湖烟  
兩年去國花稀見萬里登樓春可憐  
墻角寒餘泥坼坼竹梢晴動雪娟娟  
鄉園梅萼今應破塵土何為滯馬鞭

瓊花臺

紫府仙葩絕世誇玉娥親駐七香車  
古今共羨無雙本天地難留一朵花  
即有雕臺餘劫火誰令凡卉占烟霞  
憑君莫問當時物何處唐昌貴主家

感歎

鈿車珂馬藉輕塵惟帽徒傷塞外春自古籌邊無上策  
從來亾國有佳人芳儀一去青鸞破蔡琰重歸白髮新  
南部煙花猶有記幾回讀罷幾傷神

遊金陵天界高座碧峰普德諸古刹

松濤十里石粼粼晝靜禪房卉木新鳥語喚醒千古夢  
江聲流盡百年人雨花即在全非昨霜葉雖紅不是春  
遊遍城南諸古寺應知四大等微塵

讀燕世家

擊筑歌終暗自傷向來好士說燕王秦仇未報烏頭白  
趙客初歸馬骨香莊子人稱言是寓酈生自謂醉非狂  
金臺千尺今誰築我欲來登望八荒

偶述

飄泊乾坤一破琴溪山隨處可登臨舉杯明月照余影  
乘馬美人傷我心銷骨讒言無白璧驕人顏色是黃金  
大鵬斥鷃同歸盡悔逐浮名誤到今

由紅橋至平山

畫船鼓吹沸晴空猶指高樓是故宮春水柳條濃淡綠  
桃花人面淺深紅兩山翠斷歸鴻外六代煙消殘笛中  
向夕千燈夾橋動更疑天上落飛虹

元夕登三義閣

昨日人日還苦雪今宵元宵方解冰豐年穀賤家家酒  
新歲人閑處處燈士女喧成春一片魚龍看遍閣三層  
誰憐秉禮蘭閨婦繡罷褰帷也未曾

同張子昭宿馬家灣曉起歸野田時子昭抱病  
蓬牕雨灑燭花寒竟夕風濤枕未安萬里碧天雲點破  
五更涼夢笛吹殘切知疾病思歸舍恐冒風霜再整冠  
世事人情今可見祇應閉戶勉加餐

重晤王次峰先輩

萬里關河逐雁行十年匣劍黯光銜白門別後江仍綠  
紫塞歸來鬢已蒼馬首莢花看幾度懷中芳草抱餘香

謾公池館驚相見明日秋風又異鄉

過口峴

水店菰蘆野寺花每逢佳處小停車村因種果多芳樹  
溝爲通潮帶濕沙橋外晚烟分客路柳邊殘照入漁家  
西風黃葉催霜鬢何處青帘有酒賒

黃溢阻雨與同舟人入野寺

白鳥低飛樹影搖春愁如病酒難銷雨聲寒入何朝寺  
殺氣收爲半夜潮世事聽來成往劫驚風定後拔新蕉  
憑君莫指黃侯壘今夕孤舟夢六朝

張晉濤招分賦霜天曉月

重簾寒重月蒼茫尤愛清陰近曉光素魄入林明墜葉  
金波流瓦帶微霜夢回鷄塞鼓聲斷愁起龍城笛韻長  
爭似主人饒逸興吟詩猶自繞虛廊

白塔河關古廟

官河白塔舊名關雙柏森森野廟閒歎涌百年移別港  
寂幽終古閉人間乾坤疏鑿時興廢江海精英夜往還  
日暮鹽艘漁艇盡僧鐘青起潤州山

吾廬

吾廬僻遠多奇跡跨馬東西路不遙  
腹臆荒祠錢武肅乾坤孤塚魏張遼  
未妨秘器通幽邃豈有精靈喝夜潮

已謝儒冠拚棄置却將短褐混漁樵

荒村

輪蹄不到巷無喧朝市人遙地亦偏  
二月河南花似海二年村北水如天  
行携野客黃藤酒卧狎輕鷗白板船  
欲問先生歸去意明朝別向艾湖烟

秋夜即事

七月十三相傳梨園老郎神生日或曰  
即唐明皇按明皇千秋節八月五日也

羯鼓鷓絃簇羽觴夜深雲暖鬱金堂  
千秋坊曲成佳節萬古風流屬帝王  
歌板全非唐法部舞衣猶進漢霓裳  
今宵月色含烟紫疑是長生殿裡香

題顧爾立室中畫梅

鄧尉山邊梅一株月中流影入皇都寫來春忽生苑屋  
夢去身猶在太湖曲角枝回龍爪攫舉頭花滿雪香鋪  
黃郎畫壁能相仿旦夕過從與不孤

友人自漠北歸

大漠文臣扈蹕過稱身玉靶換鳴珂短簫舊賦從軍曲  
長鈇新彈出塞歌沙陷馬難行瀚海草枯春不渡交河  
怪君匣有雲雷氣勒石歸來麗句多

浦鷗盟先生招同人集半舸齋

坐臥西軒落晚霞月痕微上古藤花露香沁酒時時墜  
風葉圍燈故故遮小巷抱門時可過曲坊近市夜無譁  
醉看粉榜新題字疑向秋河共泛槎

冬陰不解書懷

浮雲南去江湖冷片雨東來天地陰霜露變衰芳草色  
年華銷盡壯夫心青春我已貧時過黃葉人無跡處深  
千古鍾期難再遇詩成原不爲知音

天寒濁酒逢搖落歲暮孤吟易感傷屠龍誤學朱泚漫  
畫虎終慚杜季良江上雨聲催落木眼前風景變滄桑  
年來詩興偏疎放遮莫時人笑我狂

晏起仍歆漉酒巾莽蒼天地鬱風塵荒江鴻雁行應斷  
大海蛟螭氣欲伸多病甘爲樗散客百年終作薜蘿人

破牕凍雀聯拳立似與吾生意轉親  
老盡秋光景色微入冬幾日雨霏霏  
菊花已悴縈沙艸木葉初乾弄濕飛  
原野蕭條殘角咽江湖淒冷斷雲歸  
浣溪回首知何處極目傷心盼夕暉

甲戌除夕得詩二句乙亥元日足成之

出塞還鄉志未酬歲除又見一年休  
貧無可辦三升粟酒不能澆萬斛愁  
隔幔雨聲來伏枕開簾雪色映高樓  
休言古語無憑信昨日紅顏今白頭

蒙城途中感懷

濠梁東下水滄滄烏豕殘冰雁叫霜  
又在途中逢此夕

幾回馬上望家鄉月餘八日年將到  
雪滿千山路正長  
遙想山妻應念切漫吹塵劍一心傷

子路問津處

亂山橫翠野祠荒聖蹟乾坤入渺茫  
吾道何之愁失路  
驅車欲渡嘆無梁殘荷亂颭傷秋色  
野父閒畊到夕陽  
思向此間重借問古人不見水湯湯

黃栢山僧舍

遠訪深公入翠微泉聲盡日遶巖扉  
談空自笑蜉蝣聚  
觀化時看蛺蝶飛綠樹不知黃鳥去  
青山又見白雲歸  
相逢幸有杯中物何事憑高嘆落暉

送趙敏思表弟還蜀至蕪湖乃別

扶襯西歸萬里遙一樽相對只今朝  
來宵何處看明月此地孤舟聽晚潮  
屢世弟兄成契濶十年人事遂蕭條  
羽毛好待秋風健故國文章在我曹

關山萬里絕烽烟海角羈留更幾年  
此地已無堪戀處故鄉猶有未開田  
空聞漢使求金馬剩得遺民拜杜鵑  
自種葛山千畝稻男兒何必乞人憐

暮春雨中偶書

積雨空齋氣色微登樓日日望晴暉  
小籠入市櫻初熟大網橫江魚正肥  
酒興欲闌偏憶舊鄉書連到忽思歸

古來萬事春過眼落盡楊花李又飛

荒原誰以蜀名岡久認他鄉作故鄉  
每飲山泉思錦水人言地脈自華陽  
芙蓉鏡裡家何在杜宇聲中客斷腸  
壁上文忠詩句在吹塵讀罷淚沾裳

津亭三月冷于秋出塞還鄉志未酬  
客淚不禁頻夜雨壯懷無奈是春愁  
新聲怕聽黃鸝調舊事難忘白鳳舟  
野老不知新事改花時猶說少年游

城西樓閣散春星幾日遊人車馬停  
近浦漁家罾掛紫隔橋酒舍柳垂青  
落花欲盡還堪惜啼鳥傷多不耐聽  
莫數洛中耆舊傳當時名輩恐凋零

疎籬微霽喚班鳩古寺人稀獨上樓  
兩月不舒雲外眼一春都在雨中愁  
蛟螭有意翻雲窟虎豹無心踞石頭  
誰道東南天塹險長江猶在水空流

客感

露下烏啼夜氣清殘燈舊事客心驚  
病中易覺青春暮鏡裡惟愁白髮生  
寒雨十年蝴蝶夢浮雲萬里杜鵑城  
故人天末長相憶楚水吳山空復情

山村

山村二月兼三月野店桃花與杏花  
次第香飛溪水上游幾回春到野人家  
柳塘烟暖班鳩喚麥隴寒輕紫燕斜  
便欲借君耕谷口籜冠從此入烟霞

懷故鄉親友

西蜀東吳萬里思青春白髮只移時  
人分南浦王孫草家滯東陵聖母祠  
片帆天外秋江濶雙鳥城邊落照遲  
錦里邇來書信斷木綿花老不勝悲

夜宿金陵郭外

月落寒江白露微舉杯對客露沾衣  
鳳皇臺上鳳皇去燕子磯邊燕子飛  
感慨到今成故事興亡自古任斜暉  
玉簫吹斷金陵夢莫與齊梁管是非

已知季春雨夜坐康堯賡綿構堂堯賡及吳青

英張羽可賦詩送余游楚憶丙子予將入都  
與康子昆季及張子昭曾于此堂坐雨賦詩  
爲別今四載矣感而賦此以別諸君并示子  
昭  
莫厭宵深剪燭頻青袍如舊酒痕新記曾燈下聽殘雨  
又向花前別故人萬里家山春草夢三年踪跡帝京塵  
狂嗟未減當時興獨感飄蓬一愴神

登太乙閣

崇禎大學士姚  
崑斗先生建

荒江細路三危閣太乙猶傳故相尊風雨往還春寂寞  
精靈出沒夜黃昏杏梁泥落會栖燕石級苔深久閉門  
偶共老僧談往事烏衣何處訪諸孫

小孤山

彭蠡匡廬入望賒小孤峰色浴朝霞亭臺化出金銀市  
紫翠浮來菡萏花月上靈妃秋攬鏡雲歸神女夜乘槎  
片帆過盡仍回首幾點輕鷗下淺沙

黃州覽古和王方若

樊城夏口鬱蒼茫烟樹離離隱武昌江上靈濤飛白馬  
墓前妖梓化紅羊傷春杜宇啼亡國映血桃花開戰場  
何處風光不堪弔山河滿目酒盈觴  
銅鼓聲催戰伐頻女王故跡已成塵烏飛夜月思名將

蝶化春衣痛美人斷雨荒汀迷夏隩斜陽故壘記春申  
涉江歌絕芙蓉死芳草於今不復新

蘇公昔歲在黃州旦夕來登城上樓赤壁空傳前後賦  
青山不斷古今愁兩朝抗論同司馬一日閒情狎野鷗  
信道才人無困阨可憐謫宦尚風流

晴江帶日莽黃河江郭春風鼓角多幾處新巢成乳燕  
百年舊恨入悲歌山清豺虎銷紅霧夜靜蛟龍泣素娥  
杯酒未寒風雨黑更疑魍魎晚來過

萬嶺千峰擁大崎孤城殘堞晚笳悲青山白骨埋紅粉  
碧草黃花怨赤眉寒月偏于官署照春風莫近女墻吹  
栖鳥未定驚三匝夜夜哀鳴知爲誰

山川亂後跡荒蕪紙上分明按舊圖丞相亭空春草遍  
文忠堂廢老梅枯沙湖帶日金明滅石屋含雲翠有無  
更是月波樓上望稻苗青處立春鋤

直北雄關鎖虎頭東西形勝扼江流愁聞弱國分南戒  
忍見強藩據上游王謝未銷宣武恥張韓難復靖康仇  
江干到處生春草閱盡興亡是白鷗  
貪看水鳥戲蒹葭獨坐山城到日斜群盜何心亂江漢  
諸公無策靖風沙秋魂燈火刀頭血春女胭脂鏡裡花  
惆悵千秋衫袖濕非關月夜聽琵琶

右控三巴左壓吳昔年南郡舊名都星辰夜動空江冷  
鼓角秋沉遠戍孤霸國屢朝成割據漁燈一點入虛無  
書生莫話英雄事笑指臨江酒可沽  
日日帆檣對署衙竹樓餘地集昏鴉雲寒古井埋金甲  
露點空池冷墨花渺渺碧山雙鶴去戎戎黑雨一燈遮  
太平不用鑿兵策只愛陽坡課種瓜

貞松堂秋夜分韻

月高庭樹落疎陰車馬無喧遠漏沉吟徹碧霄秋萬里  
歌銷紅燭夜千金操成楚調因懷土擊碎胡琴為賞音  
自是客中多感慨非關蟲語亂鄉心

擊鯨堂詩集

成都費錫璜譔  
門人汪玉樞校

排律

溯江百韻

天上蠶叢國靈源發濫觴雙流蟠玉壘九派絡瀟陽經  
劃乾坤正平分吳楚方千山爭擁挾萬里走微茫日月  
波間浴雲霞鏡裏忙沖融收漢沔浩渺匯湖湘廬岳浮  
嵐翠巫峯倒影蒼氣吞彭蠡大力撼具區長春漲峨眉  
雪寒消鄂渚霜分膏注墳壤流潤沃畊桑野秀多岐麥

田腴再熟秧桃花千疊浪碧色九迴腸霧歛青山出潮  
來白鷺翔重堅疑壁壘沓雜似軍行蕩颺連霞紫洄漩  
帶雨黃聲愁翻地軸勢欲倒天網鞭石歸東極驅雲赴  
大洋湍奔魚沫歎巖裂虎牙張四顧津涯失中流祇敬  
忘毫芒生死路儵忽有無鄉沉壁精靈聚然犀怪錯藏  
石華輝月魄沙鏡耿星光魄礫黏玄蠟車渠界紫虻江  
婁多邃館太乙有餘糧珂子含魚目瑤英截雁肪金流  
膏灼爍銀隱礫輝煌水碧朝舒彩江珠夜吐鋸靈鼉鳴  
應鼓泉客泣成璫虎鹿桓泥健魚牛拔浪僵鼃浮排雁  
齒龍起負餘艚獮獺銜魚祭神螭致雨昌文漪游鷗鴟  
綺浪浴鴛鴦菰白鷓鴣渚蘭芬雁鶩塘護鷄舒錦翼顧  
類引修肱戲瀨時高下凌波共頡頏峽中天一線崖畔  
樹千章杉老陰如幄松溪韻似簧湍聲清杞梓波激寫  
質簞陽岸饒鳥喙陰壩種苾薑飯香菰米軟羹滑苦絲  
穰寒雨抽煙蔓秋宵折露蔣揭車香布漊蕙茝氣颺颺  
杜若連洲綠芙蓉滿浦芳纈爲君子珮採作美人粧昔  
歲游桃葉今來問海棠溯源悲滿目訪古淚沾裳鐵鎖  
埋沙爛金樽對月涼陰謀沉義帝詭計溺昭王虎視分  
荆楚龍騰據建康驚心方晉宋瞥眼又齊梁花月歌何  
艷臨春事可傷童謠迎白馬里諺怕龍驤蘇峻軍容盛

王敦士馬強雄藩頻犯闕驕帥復分疆刁戴身同殞溫  
陶義首倡奉辭惟感激赴難必忠良秘畫遺三策奇謀  
偉一匡和鳴歎鸞鳳噬嚙恨豺狼辟爲燒兵赤城因被  
賤荒春歸悲杜宇月暗叫奇鷄是處埋兵氣何人醉國  
殤城笳淒榷塞漁唱閱興亾綺甸生新草春風拂綠楊  
芹泥香燕壘荻圻剥魚牀極目浮雲冷驚心故國創蕪  
湖排列艦漢口集千檣錦纜黃龍舫華樓朱雀航迴帆  
頻疊鼓掛席正鳴榔換舵憐三老開頭祭水娘巨桴先  
嫠水大舶首荆襄轉輓吳鹽白交馳楚米香百蠻輪上  
賦七路餽軍饟撞布番艘進彛寶貢舫裝踈虞安埃詰  
險隘設關防夜角聲相接寒烽焰可望飛橈邏不測危  
檣瞭非常白粉祠龍廟青帘賣酒坊旁流開別澳斷汜  
入荒岡野艇燈成市漁家席作房橘園煙細細葦堰露  
瀼瀼旬日波濤裡三年道路旁依人心展轉去國思傍  
惶霜雪傷鷗隼塵埃困驕驕曠懷遊汗漫側足窘趨踰  
養素師巢許飡和學老莊肅舲仲舒宅弭棹子瞻堂日  
夕憑高閣陰晴繞畫廊山磯連府署江水抱城墻客久  
羞彈鋏身卑到賣漿舉頭雲湛湛回首水湯湯風雨家  
千里關山書一囊張萼今暫輟穆醴得新嘗看遍沿江  
郡經過幾戰場悲歌詞客意發憤腐儒狂歎世何多故

哀民未解殃平成思大禹雍穆憶陶唐秘冊鬼神啓陰  
符天地彰一朝開玉簡萬古奠金湯元氣流無涸真靈  
穆護將竹樓南望罷高枕到羲皇

陵雲臺

京洛靡宮觀黃初有舊臺霞爲丹赭色虹作棟梁材陽  
馬承星轉飛翬接漢迴簷寒知雨近簾暗辨風來少室  
分雙髻黃河瀉一杯雲從足下起日向掌中開蜃海蟠  
鰲背鴻濛育蚌胎詩高公幹體賦妙仲宣才薄暮笙歌  
動鈞天散九垓

凍月二十韻同梁五蔡茅慎言王歙州張印宣

蕭徵又閱右誠賦

仙兔蹲冰窟妖蠃蟄雪淵銅鑣斑化汞金鼎魄凝鉛竊  
藥嫦娥老春霜玉杵堅隨珠沉大海秦鏡出重泉屏透  
吳牛喘簾侵越鳥嫌霄寒常有暈宇淨不生烟帶雪疑  
無色兼風益可憐微明落葉外薄映凍雲邊草盡光逾  
白林疎影易穿霜郊驅馬路冷戍聽雞天雁陣歸何處  
鐘聲徹曉懸空庭難久立虛牖怕孤眠對酒膠金盞臨  
歌脆錦絃玻璃敲可碎盆盎結仍圓却憶中秋節還思  
元夕前笙歌凝夜色燈火鬪春妍借映桃花扇流光玳  
瑁筵璫樓唵醉客繡閣拜嬋娟艷冶悲前事蕭條逼舊

年清輝仍未減只覺景淒然

黃河四十韻

宛馬來殊域黃河出大荒  
逶迤橫地軸窈邈象天潢  
西擘芙蓉翠東迎日月光  
地圖從古劃水色至今黃  
疏派三門涌中流一柱當  
源窮星宿窟槎溯斗牛旁  
蒲海分葱嶺潼關接太行  
山開五指跡勢曲九迴腸  
狐塞城秦帝龍門鑿夏王  
金繩封秘籙玉策受神方  
休氣如雲塞榮光似幕張  
德符龜讖合瑞應馬圖昌  
神渚題江摠靈川賦應瑒  
史傳三豕渡詩誦一舟航  
灌注函秦沃紆迴趙魏強  
天巡沈璧馬國誓歷興亾  
如帶盟空在分符事

渺茫雄圖歌瓠子漕輓奠金湯  
沸浪沈玄貉堅冰渡白狼  
絕流香象力破浪巨魚猖  
尚憶投巫勇誰悲負石狂  
箜篌留怨曲樂府播清商  
一線分南北千秋衛漢唐  
焚舟思楚將列艦想陳倉  
霸業銷金甲兵謀在土囊  
中原頻寇盜墳衍幾懷襄  
決堰沉都邑橫流變海桑  
悲哉流戰氣逝矣送殘陽  
疏鑿難求策閭閻未洗瘡  
萬家沉浩蕩千里入荒涼  
井邑龍蛇窟禾苗魚鼈鄉  
廟謨先壅築民力困隄防  
倚藉惟黃土誅求盡綠楊  
經過頻送目坐對忽沾裳  
潮沒雲中樹風迴霧裡檣  
虛沙浮冷月遠渚被輕霜  
雨洗乾坤色秋清草木香  
寒花紅浦澈野笛白

滄浪戰手誰家子勞歌何郡娘澄清知可俟飛渡恨無  
梁

淮瀆廟

昭稽開奧府桐栢導洪流靈地煙霞古神宮草木秋子  
方應水德赤位衍鴻庥邃宇崇階陞章衣肅冕旒威靈  
揚七郡禮樂視諸侯南橘阻遐甸微禽變異陬雲凝潛  
鼎出月湧貢珠浮琳貝窺龍穴旌麾望馬丘一條分楚  
豫千派注揚州誰作浮淮賦才名今尚留

寧夏將軍馬

寧夏將軍馬齒來八尺高玉躔追落日紫眼注秋毫電

閃桃花影風生白雪毛出關長汗血度隴不辭勞宛轉  
隨君馭飛騰過賊壕沙寒思夜戰草軟戀春槽涉恐鞍  
韉澹眠愁矢溺臊見人若慘淡失主欲悲號存爾空群  
志前途任所遭

咏蚌

老蚌真殊物持從瘴海來含漿蚌名承桂露媚水抱珠胎  
種別椒圖族形分鸚武杯虧盈隨夜月啓閉協春雷埋  
迹塵沙裏遊光洲渚隈文堪鈿鼎俎氣可作樓臺蠶戶  
誇奇品蠻艘選異材勿云風味美篋衍爲君開

詭鶯

嫩柳藏身淺投梭作勢工衣金誇俗客搏黍詫村翁但  
解求高樹何曾惜落紅未離幽谷遠便藉友聲雄唳月  
輪玄鶴飛霜駭遠鴻莫矜喉舌巧一意罵春風

掣鯨堂詩集

成都費錫璜  
同學蔡一球閱

五言絕句

夜行

折入幽潭裏烟草帶寒月孤舟何處棲暝色行不絕

秋夜

剪斷銀河水橫飛一片霞飄零千里客今夜宿誰家

春郊

原野生新綠陽和處處同兔葵雖小草亦自得春風

古意

堂上一片月萬里照見妾但照妾羅襟那能照妾心  
天下士

一入白雲去長鏡不計春方知天下士不是眼前人  
相逢

岐路不相識一言傾寸心贈君腰下劍不在直千金

虎阜

井陰山骨冷曾葬劍三千一破昭王國芙蓉盡化煙

孤雁

孤雁雁門來猶帶雁門霜南飛聲不斷何事向瀟湘

閨思

小小蘭閨裡春風不屬情朝來聞百舌無故覺愁生

南溪

昨夜芰萸水南溪可放槎雨中燈一點有艇宿蘆花

寄意

種杏北園中勻圓萬顆同荔枝風味美不是故林紅

二

折得含霜菊猶憐剩一枝西風不相借還繞玉瓶吹

宿李唐思齋中

翠幙隱紅蕉青藤傍綺寮竹風聲不斷寒夢楚江潮

山中

白雲蒼嶺朝碧水深潭夜市朝客不來巖間桂花謝

二

共坐花溪上松風埽石磴山人無姓名相逢不須問

三

巖居樂天機寄言君不見山中酒一杯石上花幾片

貧士

馬瘦露奇骨士貧見高義三日不舉火猶有食牛氣

宮怨

誤有傾城貌翻成永巷愁不如黃葉落猶入御河流

霜

白兔搗靈藥白玉搗為塵河沒鐘聲徹飛霜滿漢濱

徐粵宰自武林歸

幾日西泠路吳歌斷客腸春風太輕薄吹得鬢如霜

古意

伐地得黃金疑是古人墓不是古人墓宗家宮闕處

懷歸

剪殘今夜燭高卧汴州城白芷南湖曲秋來有雁聲

秋江

玉人吹玉笛一片秋風起涼夜月微明芙蓉落江水

垂釣

寒月已滿浦先生猶未歸盡隳王霸志只為鱖魚肥

山寺

草暗回巒失沙明細路分已近翠微寺鐘聲猶隔雲

江寺

江水何年綠江雲自古閑一聲花裏磬無數夕陽山

松間

偶來松間行愛此松上月松風拂袂生松花落如雪

夜過城下

夜郭蒼茫水客行何日歸羈魂如野蝶着處即驚飛

讀史

去國捐妻子乘危忽出奇如何刺客傳不列古要離

鴛舌剔牙

象尾能祛火虎鬚善逐風不及鴛舌銳偏捺蝨齒蝨

佳人

清簫度流月緩珮曳歸風却扇臨堦坐閑花自落紅

省齋雜劇

靡蕪秋更綠桂花落如粟為看舞釵搖不覺銷紅燭

十二變歌

東門楊柳枝早晚遭攀折今日是相逢明日是離別

門前絳桃樹幾日落艷紅今日少年場明日白頭翁  
擾擾長安雲一日千回變今日秦家宮明日漢家殿  
北邙山上墳新舊知多少今日是黃沙明日是青草  
一語起戈矛含笑探吳鉤今日是膠漆明日是仇讎  
峩峩孟嘗門刎頸結交處今日三千客明日不回顧  
老婦見故繒不覺失聲哭昨日是竊黃今日成黥綠  
打鼓然雙燭柔桑高出墻今日是女兒明日是新娘  
泰山萬仞高走馬便可上今日是布衣明日是公相  
黃金如浮雲變化本無時今日千金子明日葛衣兒  
滄海會浮萍意氣偶然集今日結弟兄明日不相識

可憐玉瓶花零落不可數今日堂上春明日道旁土

先師蔡德文先生墓廟山去城西南二十里每

遊城西遙望不勝今昔之感

平昔追遊地陰雲日暮生城西秋草路三過不勝情

嘆馬

麪磴悲朝邑鹽車泣太行當時無伯樂櫪下飽風霜

省齋

竹逕初澄月花陰夾小樓步檐深寂寂蟲語一燈秋

折楊柳

西南爭戰久天地別離多爲問長安柳春條剩幾何

秋意

溪動螢過水松涼月到枝此中無靜者秋意有誰知

送俠客

白浪滿江雪孤舟夜向吳歲寒無酒店何處訪專諸

歸自郡中

白塔黃營路青墩赤棟花勿較程多少隨時可到家

古意

瓊蛭腹小蠚性命相依倚小蠚行不歸瓊蛭飢欲死

二

叩叩與距虛相將共出入叩叩去不歸距虛行不得

逢王孫

野寺打昏鐘相逢路不同一驢何處去落葉四山風

隋宮

煬帝宮前草秋來不復青苑中螢百萬散作兩餘星

投劍

蒯緱藏一劍曾客孟嘗門投入延津水平生未受恩

黃州府署西南隅有土稍高云即竹樓地余每

登其上東望遂口占云

不鎖長江水風帆日日開城隅一尺地卽是望鄉臺

爲掩

爲掩桃花扇翻增無限嬌玉鞭何故墜馬上已魂消

西溪

西溪帶長林十里行踪絕時有夜深人沙中渡寒月

古斷句

誰謂桃花好花落始結實誰謂桃實甘中心有苦核

相逢

君從江南來妾望江南信前山日未斜駐車欲借問

送別

紫馬碧玉蹄長鳴向隴西夢驚千里別淚盡兩行蹄

城西酒舍懷人

蘄萑三回綠遊人去不歸城西樽酒地日暮一花飛

相逢

導馬前頭呼橫刀滿路隅衛青雖極貴終是主家奴

見販蘭花

本是青青草移根奈若何甘心山澤裡何用着衣多

九月二十三夜

夜半月未上蘆陰水暗流若無燈一點何處見殘秋

三塘

門前南北水來往向三塘借問垂楊線春風幾許長

花下

偶來花下立花氣自親人若向花間嗅花神應也嗔  
燈市

春燈百種媚雙目不暇給少年不看燈回頭却看妾  
猛士

猛士氣如虎萬金不回頭雖受主人憐中有傷心處  
鏡昏

寶鏡摩挲久光非昨日明主人添白髮不忍照霜莖  
折楊柳

白馬綠障泥垂楊礙行路反身攀楊枝豈是爲儂顧  
閨情

把筆畫作圈誰言不識字愛郎讀曲歌與郎圈到底  
盼期

情人臨別時期我十五歸今宵開繡幙已是欲圓輝  
懷劉延譽

誤拂秦箏柱聲聲是別絃孤燈人萬里春草夢三年  
箏

連雁下瀟湘水絃縷縷長一如洛神賦零落十三行  
楊花入水爲萍

柳線搖風弱楊花舞雪輕爲萍仍逐浪飄蕩過平生  
入滕縣

野店棗花黃春衣十里香馬頭生祇肅路入聖賢鄉

城西路

寧上斷橋望莫過城西路城西路多岐白首無歸處

池月

池中素明月疑是山陰雪映人白練衫清輝兩奇絕

送春

春風十萬場今夜已無幾一半鳥聲中一半落紅裏

漢宮秋

軹道降王出溫泉咽不流野花羅綺色猶喚漢宮秋

何處春濃艷

何處春濃艷春濃是翠樓紫光開鏡匣紅影上簾鈎

何處春濃艷春濃是畫橋柳芽鶯舌小溪水鴨頭嬌

何處春濃艷春濃麥秀田小晴挑菜渚微雨養花天

何處春濃艷春濃是郡城碧窓吹笛處小巷賣花聲

何處春濃艷春濃百果園柳條盧女線榆莢沈郎錢

何處春濃艷春濃賣酒家青旗搖柳色翠椀瀉梨花

何處春濃艷春濃是錦屏金鷺圍夜玉銀鳳吐春星

何處春濃艷春濃別苑中馬眠芳甸綠毬蹴錦茵紅

何處春濃艷春濃南陌頭採香紅蛺蝶歎玉紫驂騮

何處春濃艷春濃是狹斜採桑調趙女擲果壓潘車

何處春濃艷春濃芍藥田紅邊春女醉香處野蜂喧  
何處春濃艷春濃富貴家燒香薰叱撥圍燭按琵琶

拜月

才見墻頭月已向玉階拜小妹晚妝遲片時不相待

採蓮曲爲汪聖郊賦

浦上生綠煙波底蕩紅雲勿搖雙桂楫猶恐濕湘裙  
相約採蓮來艇子打兩槳驚起白鷺鷥飛入橫塘港  
十五出採蓮十八閨中住寄謝諸女郎早夜慎霜露  
湖南蓮歌起湖北蓮歌歇欲知腸斷處人去滿湖月  
亦作採蓮人乘舟向若耶誰知盪槳意不是爲蓮花

五月採蓮花六月打蓮葉七月摘蓮子八月斷藕節  
有何好顏色敢比荷花鮮折花回顧儂母乃錯相憐  
手把蓮花枝欲贈無相識由來珍賞意不在好顏色  
斷藕愁牽絲折蓮愁刺手借問同舟人中有華華否  
門前有蓮塘采采日不絕時見載花船盪波弄明月

意中

斫取明月光懸着屋東壁却看顧虎頭醉寫瀟湘色  
河朔俠少年贈我千金馬上馬反臂弓不在廣平下  
洞庭包山湖中有玉字書安得讀百遍填曾皆太初  
南海鳳凰鳥飛集我臂上吐出曾中文光輝兩相向

水田謠

大姑搖短櫂小妹把長篙波上慈菇葉分明是剪刀  
小妹把長篙大姑理短楫分明青銅鏡貼水雞頭葉  
高田立鷺鷥低田浮野鴨大姑鳳頭鞋小姑鴉頭襪  
郎乘白版船相遇艾陵湖忘却船頭觸貪看大小姑

東王次峰顧幼鐵黃叔威

冬草不復綠王孫歸已遲閨中心未死頭白尚相思

名士

只須飲醇酒不用讀離騷便足稱名士誇人顏色驕

夢餘作

黑髮日漸白素衣行復淄借問長安塵胡不染鬢絲

單情用齊梁體

雙意何由訴單情祇自知墜蛛遇花葉詎見有牽絲  
曉河沒杏梁素月見羅帳秋草寒更青歸人試歸望  
花情媚春紅柳怨嬌日翠安得鏡中身與娘相比對

行藥溪南

蠶菜飛黃蝶秋桑墜野蠶偶來成獨趣行藥至溪南

楊花

高低渾似雪上下不因風借問昭陽燕珠簾隔幾重

秋汀

秋汀上夜燈孤舟行未已殘月澹無色數星光在水  
紙鳶西上直惹起望鄉心何不從風去牽纏直到今

送徐竺村

棄妾向長安心在長安道不似白鼻騮步步戀春草

送君入嶺南到嶺且回顧山頭有鷓鴣每喚行人住

王符躬進士築室清涼山禹尚稽爲之作圖錫

璜詠其山中景物得十二首

紅藥園

晨入紅藥園嬌紅倚濃露主人金閨彥時醉紅雲處

石子澗

粼粼石子澗瀉注東巖下春雨數浮鳩朝晴看浴馬

燕尾泚

泚形分燕尾波紋蹙魚鱗隔泚望村塢欲涉愁再經

蒼龍嶺

嶺上多涼風鼃鼃攔不止蒼松幾歲年結根自無始

飛雨泉

鑿破蒼山骨飛來白雨泉誰家一匹練借向閣中懸

采花隄

采花長隄上采多花更稀怪來人語靜日暮女郎歸

西巖草堂

築室當西巖攝靜此中宿澄懷萬慮空靜對一峰綠

鳥柏嶺

東渚春陰漲西嶺霜氣濃愛他鴉舅色絕勝鹿姑紅

澹吟堂

精舍闢靈區窅然生虛白斯人方澹吟邨容塵壒容

窈然洞

愛此窈然洞玉乳竇中墮中有石榻橫可眠亦可坐

送鄭士行

楚館留殘月吳船盪曉風本是人難別翻嫌曲易終

京華秋思

十載薊州城家書隔上京謝他南去雁先爲寄秋聲

龍兒河

沙響舡頭澀秋潦落三寸前灣水淺深相逢兩相問

棗棗懷香

海陽有香棗取二棗剝剝疊成中屑懷香以蜜漬  
之好事者持爲遠餉其始蓋商人婦所製以寄夫

者取早早回鄉之意見施愚山集

雙棗結連環中央着懷香祝郎早早回不回也聽郎

記歲珠

新安商人婦夫久不歸婦以鍼黹自給歲以餘貲  
買一珠謂之記歲珠積至珠二十三粒而夫不歸  
婦遂死見屈翁  
一歲一粒珠一珠千  
待郎終不歸請郎看幾歲

秋思

落葉落還落歸人歸未歸寄書江上雁肯為早南飛

自詠十二章

塾傭

古者家有塾費子自年二十二傭於人家為童子

師近二十年故曰塾傭

夢入群兒國群兒從我遊寒燈三十載空白壯夫頭

貧士

乏貲曰貧費子年四十居無屋食無田衣縷裂提  
襪見踵冠膩顏恰羊裘二十餘年不易可不謂之  
貧士乎

縷裂行市中面有饑寒色市人不識我爭笑龍鍾客

游客

居外舍曰客費子弱冠客吳趨年二十六客中州  
三十四客京華三十六客楚黃四十五遊會稽足

跡半天下故曰游客  
六名焚黃四十五並會詩  
南北東西路江湖落魄人  
十年衣未洗猶是道邊塵

白衣

守祖父書以白衣老曰得曰失聽世之呼我也  
夏苧冬吉貝顏色白如雪飄飄凌秋風皎皎臥明月

病夫

費子年十八九嘔血幾死年三十八病胸膈塞目  
盲短氣計生平多在病中故曰病夫

賢後

曾祖以篤行載于蜀志祖以循吏棄官傳在國史  
父以傳經著書名於天下費子行能雖不肖然未  
始非賢者之後

流氓

先世自蜀播遷客于江都無田無籍今依棲江淮  
之間居址鮮定是曰流氓

萬里來江左依人客海邊傳經雖數世占籍竟無田

詩人

費子生平無他嗜好獨喜吟詩二十年集成五千

篇雖無一佳未始非勤於詩之人十年求漢樂廿載醉唐風可惜平生志都歸覓句中

野夫

費子十齡居野田村三十載今又徙居胡庄野居四十載號曰野夫

野居三十載高臥海雲樓有時赤兩脚終年常科頭

老圃

宅後餘地二畝春耘夏莧秋茹冬芥終歲課童灌漑費子間亦率妻子荷鋤薅耘遂老于塲圃之間春初種早莧秋末布晚菘勿言生計拙王道本雍容

輟戶

費子年四十八買輟於胡家莊日贖升合以供飪粥昔梁鴻為人舂碓許靖以馬磨自給費子辱而為輟戶亦猶是也

腐生

轉輟蓬廬下有客叩雙扉簸糠眯老眼不知君是誰少受中文之學又傳蔡瞻岷先生口義年近五十始博考諸經學雜而罕通大義竊名曰儒可謂腐矣

儒通天地人安敢以自號布裘寬且博每得迂腐誚

江晚

燈亂漁家聚潮來估客喧  
羈魂何處斷江上欲黃昏

江浦

荻高不見船時時聞打槳  
何處取魚歸人語沙上響



掣鯨堂詩集

成都費錫璜謨  
同學王訪叅閱

七言絕句一

水村

一抹湖烟過雨澄野橋小市聚漁燈  
依然人語蘆花外只隔蘆花便可聽

泛舟瓜洲對酒見流螢如雪

涼夜微風吹酒醒蟲聲兩岸草青青  
扁舟今夕疑天上 一道銀河萬點星

看演唐盧生遇呂翁事

看罷華鐙淚泫然蹉跎富貴與神仙歸來一覺西軒夢  
也抵朱門五十年

醉中示劉德治德問

賦罷新詩敢自憐爲君起舞綠樽前乾坤可惜番禹老  
誰敵淮南一少年

釣魚圖

千尺長竿百尺繩垂波無餌不須驚少年應笑嚴陵叟  
不釣江魚却釣名

康堯賡齋中碧桃花

東風次第入君家宛轉朱闌護曉霞文杏玉梅開已過  
十分春在碧桃花

聞簫

幽夜寒燈夢乍驚淡煙和月未分明簫聲只在竹籬外  
尋遍鄰家不見人

秋夕

別館沈沈夜合香空階白露入幃涼如何一夕西風急  
變作芙蓉葉上霜

牡丹

濃香飛動錦玲瓏深淺樓臺十樣紅惆悵無人憐國色

倚欄獨自笑春風

江上

高樓橫笛不勝悲  
蘆荻青青早雁飛  
莫送江頭南渡客  
從來南渡不思歸

偶書

大獵歸來酒未醒  
西風吹動孔金翎  
入關臂上一團雪  
帶得遼東白海青

三戰榆林再破圍  
轅門獨立看斜暉  
天山一箭功誰記  
射殺名王赤手歸

看紅葉

空齋久負菊花期  
野店江橋歸去遲  
病到秋來吟興減  
却看紅葉又題詩

寄遠曲

尖風刺骨如針鉞  
風吹妾心千里長  
寄語遠人不可見  
信歸時馬蹄爲妾量

古調

費生東出濟河陰  
拾得伯牙枯桐琴  
琴中自有雙鳴鳳  
不是斯人無此音  
一彈江水忽飛立  
再鼓梨花無數開  
鄰人叩門請終曲  
先生已暝歸去來

嶺下梧桐嶺上蒿臘月女貞春風桃後凋不抵及時色  
百尺難攀徑寸高  
石飴中藏一利刃猛虎口有千黃金請君試飲井中水  
到底還知誰淺深

游僊

不羨天邊餐碧霞閑臨流水問桃花人生何處成僊好  
只有天台二女家

秦皇漢帝好神僊采藥求方東海邊天下尚能如脫躩  
六龍何事不乘煙

上帝高居最上頭僊翁老去未曾游笑渠原是塵寰客  
長說紅雲捧玉樓

龍子調笙白鳳吹天風縹緲彩雲飛小鬟偶向花前舞  
飄墮人間號羽衣

玄墀鈿砌鑠彤雲疊石牆開澀浪文遇著迴廊都九曲  
到來迷誤上元君

雲山朱蜜似凝脂紫柰玄梨鳳腦芝老去仙翁都未識  
枯山窮海鬪珍奇

相約滄溟納曉涼不須更采白琅霜山中閉戶三千載  
煮爛黃金似乳漿

金松五鬣肉芝紅萬歲冰桃自澥東曾侍清都初罷宴

飛瓊擊出玉虛宮

瓊札銀編勢屈盤飛鸞難候紫涎乾不須更發謨觴秘  
猶恐靈妃未解看

已駕癡龍向紫烟重來亭下會曾玄荷香國腹安陵鼓  
齊唱賓雲左右仙

齋宮秘授鬼神方見說蓬山在渺茫假使蓬山真可到  
青麟紫鳳亦尋常

聞簫感舊東程文石方傳芳並示及門韓遵路

王其玉王紹宗陳右文

三年不聽廣陵簫側帽重尋舊板橋記得當門芳草路

春風前度木蘭燒

吳姬勸酒

吳姬十五髮鬢鬢玉碗蒲桃勸客酣但過黃河風色冷  
更無春酒似江南

法海寺

嬌鶯百轉酒千卮有月留君歸未遲縱使一年還幾度  
重遊不是杏花時

大風

惡風竟夕不肯休桃花李花落井頭得意杜鵑勿浪喜  
關心粉蝶莫深愁

西堰垂柳亦太恁枝枝苦被春風顛久拚秋鬢如飛雪  
肯爲春孌更打綿  
關心江上有漁舟或是清時隱者流煙波已自無尋處  
更恐乘風到十洲

可歎

破齊亡楚智無傳何事晨炊不自謀爭致千金購張耳  
誰將一飯餉韓侯

送別

青絲提酒白門前女郎送客歌采蓮請君自惜紅顏子  
莫使秋風損少年

歎息

團殿蕉園落日低金黿玉螭鎖歲蕤宮花一朶千金貴  
飛下瓊林踏作泥

金陵

橫江江水射斜曛虎踞重關枕暮雲莫道建炎南渡小  
當時猶有四將軍  
淮水年年繫畫船江東舊曲祇今傳獨憐秋月春燈夜  
還演當時燕子箋

柔柔鬱鬱柳毵毵陌上新歌繞碧潭往事盡隨風絮散  
歌聲空自怨江南

鍾山松柏黯無煙回首金川事惘然多少紅樓歌舞月  
秋來獨照白門前

戲書

客到柴門推更敲紛紛明月下松梢始知詩句無工拙  
信口占來當一嘲

歎息年來萬事非晨餐未飽北山薇胸蟠萬卷都無用  
吐作長虹任爾飛

至性文章合鬼神少陵之後放翁真題時涕淚知多少  
千載猶堪泣後人

題畫

香貂壓雪春無力斜抱琵琶淚沾臆身是中朝第一人  
不藉胭脂作顏色

九頭笙

鳳笙龍管彩繩長舊器分明出教坊一自海紅花落後  
新聲半化九頭鷓

入西山隆恩寺訪天下大師墓不得

三百年來事渺茫殘僧死盡斷碑荒兩人並坐斜陽外  
豈是閑夫說讓皇

盧溝橋

盧溝橋上日初低三百雕欄玉柱齊多少往來車馬客

無人閑數石狻猊

旅夜聞琅璫

少學孫吳氣未平  
琅璫風動月淒清  
夢中正覓榆關路  
牕外何來鐵馬聲  
滇海居延久罷兵  
上書無復請長纓  
英雄不向榆關老  
種竹栽花過此生

送別

傾盡蘭陵酒一杯  
送君更上妙高臺  
秋江萬里明如練  
一片風帆橫剪開

望遠曲

水國霜寒一雁飛  
書來含恨罷金徽  
穿針樓上春相望  
采藥山中秋未歸

楚宮曲

奉直章華得見君  
朝朝醉舞鬱金裙  
宮腰瘦盡驚鴻影  
無那襄王愛旦雲

虎阜

風雅吳儂講最真  
寺門片石踏成塵  
雙燈月下君休笑  
聊爲名山作俗人

鷓鴣

紅蕉零落海桐稀  
九鯉僊蹤認是非  
看遍越王臺畔鳥

鷓鴣不向北天飛

紅葉

宸楓飄落御河秋  
宮女題詩無限愁  
莫把殷勤托紅葉  
恐渠隨水向東流

秋鴉

曾棲宮柳浴金池  
還繞隋隄覓舊枝  
今夜莫啼城上月  
李花飛盡又多時

寒帷

娟娟細月凌波出  
嫋嫋香風拂蕙生  
國色何須千百媚  
寒帷一顧已傾城

山中問荅

紫巖花墮錦鳩啼  
日靜山深萬木齊  
隔澗野人相問罷  
水聲東去白雲西

山中

白鹿銜芝玉洞春  
山深未絕馬蹄塵  
遙岑一碧飛梁斷  
從此桃花隔世人

梁藥亭太史招遊負氏園

鴻鵠將爲萬里分  
負園聊復聚同羣  
當筵勿進昆山部  
恐觸哀絃不可聞

芳草池塘落葉殘  
笑容開處白沙乾  
重簾况有金卮暖

簾外不知明月寒

聽王二琵琶

流水蛛絲別有情一聲彈出旅魂驚  
近來都改黃鸝調不是江東舊曲聲

家世常將法曲傳曾因薄技侍甘泉  
酒酣借問琵琶事事比龜年更可憐

金鑰銅環閉院門歲蕤深處易黃昏  
座中誰是白司馬暗把青衫拭淚痕

鳳輦鸞旗去不回海青夢斷集靈臺  
不須更弄陽春曲亂落梅花絕可哀

憶蔣汪珩前輩

江邊桂華江水香十日不見橘有霜  
昨折一枝偕我醉得留數顆待君嘗

書將筋骨欺顏柳詩豈皮毛學李王  
似此不傳窮巷老漫誇年少錦衣郎

隴頭樂府竒誰敵大雨新詩怪出塵  
讀罷劍南哀絕處西風老淚濕羅巾

歸來

歸來學作灌園夫藥圃瓜畦草不鋤  
時著短衣看射虎知公豪氣未全除

吳宮

西施未入吳宮日別有吳宮第一人西施一入吳宮裏  
奪盡吳宮千載春

瑠花臺

遊人都上瑠花臺亦入瑠花觀裏來莫問瑠花何處去  
瑠花開盡野花開

楊柳桃花

靈和露井憶當年青帝何曾恩澤偏楊柳萬株愁欲死  
桃花何事笑風前

廣陵秋夜

井梧葉盡火星流街鼓聲中萬戶秋今夜誰家秋思遠  
滿城明月照高樓

明妃曲

桃花馬上抱紅妝謝罷天恩出建章昆莫舊曾稱漢婿  
呼韓從此是降王

觀作幻術

鰲骨成霜海水枯神州東畔遇麻姑笑他年少喜奇技  
戲把靈砂撚作珠

徐竺村語我塞下所遇

雪裏題詩傾叵羅美人唱罷玉顏酡秋風十載榆關路

重向燈前聽此歌  
名句流傳豔一時  
旗亭舊事未云奇  
從今白草寒生曲  
不讓黃河遠上辭

懷敏思

白門楊柳垂煙絲  
春風吹花辭故枝  
故人別我西川去  
萬里思君無見期

當壚婦

絕代文君當酒壚  
白頭心已許相如  
使君千騎羞回顧  
何論區區馮子都

貧家

誰道貧家意可憐  
貧家樂事爲君傳  
西鄰肯假晨炊米  
便勝何曾食萬錢

閨思

漢使蕭關去未回  
春閨望斷白登臺  
願君直作黃河月  
飛度龍門積石來

送王抱荆北游兼寄懷劉德問

平野千家禾黍荒  
定襄一帶草茫茫  
中原是處堪回馬  
况復秋深過大梁

奪幟淮南事若何  
西風吹散楚軍歌  
關中劇孟無人問  
匹馬於今暫渡河

邊地寒風八月高千金駿馬百金刀不愁雪色侵衣袂  
恐惹霜華上鬢毛

延陵市上有遺金桐廬江邊江水清夏月披裘何所媿  
爲予持此問劉生

別王敬菴

江湖牢落欲何之南北東西路總迷他日相逢須記取  
大梁城外日斜時

重別王敬菴

大梁一別忽驚秋塞雁南飛汴水流楊柳曲終人更遠  
芙蓉江上不勝愁

遍遊姑蘇野寺有感

路入靈巖嶂幾層遺民大半續傳燈五湖秋草無邊寺  
老盡前朝八百僧

黃叔威有句云一朶芙蓉浸秋水同人共稱之  
蓋爲名姬詠雪作也明日余於叔威座見此  
姬因詠叔威句座中索予賦之即以此句爲

題

芙蓉濃豔一枝斜影入秋波弄曉霞今夕紅顏燈下見  
始知入勝鏡中花

夜同張羽可由白塔河歸野田

昨夜燈紅花爛熳今宵路黑煙淒迷可憐錦帳徵歌者  
霜滿天涯猶未知

春日有感

河風駘蕩柳條斜珠箔紅樓對晚霞今日花前思舊事  
去年雙燕入誰家

丙寅上元

屋角寒梅花較遲未消殘雪映疎枝滿城爆竹聲無數  
還道不如全盛時

同趙敏思登三山

片石臨江粉堞紅三山草色滿花宮憑

點南朝事

回首金陵夕照中

送人歸岳陽

楚客南歸發棹謳洞庭五月水天浮白雲隔斷瀟湘浦  
何處逢人問岳州

出高淳胥河

水村山郭一帆過白襪青鞵踏淺莎舟傍人家今且宿  
前溪漸覺晚煙多

哭姊墓

去後重來九月天松風吹鬢淚潛然白雲一散不知處  
碧草傷心遂十年

別丁晉公

憐君多病久無家十載飄零鬢有華  
我去江南非遠別莫將春信問梅花

別卞和玉昆中之蘇州

津頭薄暮柳毵毵杜宇聲中酒半酣  
春水不憐離別意年年送客到江南

長門怨

恩澤猶分太液烟冬青樹老月空圓  
蛾眉不信君恩斷一閉長門二十年

王阮亭少司農招飲

巋然猶見魯靈光碑版流傳四裔香  
今日布衣陪北海始知天下有文章

送別

春泥滑滑馬蹄輕沽酒提壺送客行  
多少禽言催客去留君只有鷓鴣聲

成都王生

成都亂後有王生鶴髮猶能唱太平  
一闕右丞紅豆曲春風吹入杜鵑城

初冬過刁家舖一帶皆桃梅林也題寺壁

春興闌珊秋興存桃花落盡又何論  
青旗野店紅柑樹

青魚堂言集  
三  
白板江橋黃葉村

得商安世書

幽州故人尺素書中有徑寸青龍珠自見竒先生紙上  
不知明月到階除

紅蘭室納涼

朱甍碧瓦敞晴空映水涵虛寫倒虹  
襪襪不須愁觸熱披襟獨對楚王風

白日雙楸鳥下來吟詩賓從共徘徊  
馬卿莫漫愁消渴玉乳金蕉得賜杯

兩年書劒感飄零已去重來感聚星  
酒罷不知身是客

平臺涼似竹西亭

江笛

二月春江潮水平梅花如雪滿江城  
忽然一夜風吹落聽到天明是笛聲

看潮

日落鼉鼉鼓角稠忽驚潮起海門秋  
更誰有力鞭秦石天捲長江西向流

懷田有申佩北固師晦膚功登達

江臯凝望迥蕭然不見桃花動隔年  
春水來時相憶否故人家住石城邊

感舊

衰楊蕭瑟隱江城  
蘆荻秋來到處生  
却憶春江花月夜  
同誰橋上聽簫聲

讀太白詩

若木神雞久不鳴  
年來竭力事躬耕  
匣中秃筆將飛去  
輸與先生絕代名

讀五代史

三垂岡上百年歌  
烈士無如老去何  
國賊未收遺矢在  
却看孺子付山河

立秋日許子凝移宿竹陰斗室

匪院秋陰暑氣銷  
右栽文竹左芭蕉  
知君尤愛琅玕翠  
涼夢微風聽夜潮

旋移斗室置方牀  
文梓爲櫳玉作牆  
偏是病餘多逸致  
宣爐自炷辟寒香

順成門

繡幃朱輪七寶鞍  
腐儒黑衛欲前難  
順成門外泥三尺  
不待風吹已踏乾

棋盤街

翻雲覆雨太無端  
轉海回山未是難  
不信長安真似奕  
大清門外有棋盤

自茱萸灣夜歸村舍

啼蟲未歇鳥將飛  
夜色蒼涼露氣微  
一路淡煙楊柳月  
稻花香裏棹船歸

秋懷

青草湖干白露生  
羸軀獨臥女王城  
朝來明鏡應堪歎  
一葉秋聲雪一莖

悲戰場

殺氣消沈生野蒿  
戰場雨暗鬼悲號  
多年白骨寒如雪  
十月西風利似刀

縱鷹

掣鎖鳴散意氣雄  
流星奔電出雕籠  
雙睛不礙千峰色  
直上層霄萬里空

過潯陽

落日歸雲無盡時  
成名何必恨衰遲  
爲憐去雁長回首  
過盡匡廬竟不知

漫興

野卉瓊葩一徑栽  
誰憐憔悴在塵埃  
搖風弄月無顏色  
只爲春來未得開

睡起閔邸抄

浮雲蹤跡楚江城  
芳草隨人到處生  
睡起山中黃葉落

不知將相幾回更

魯連臺

青驪暫駐僕夫催  
一片殘陽下故臺  
戰國四君名好士  
誰人致得魯連來

觀出獵

駿馬聯驄玉勒喧  
飛塵一道出青門  
隨珠空用彈黃雀  
明日銜來還報恩

黃州食鱖

赤壁磯頭鷺鴨湖  
畫船難問酒難沽  
張翰不起秋風思  
只爲江魚狀似鱸

狼山軍中

臥吹鐵笛和漁歌  
軍令平寬免荷戈  
江口三秋閒牧馬  
海風萬里不防倭

庚辰夏日與劉德柔閣天儀坐玉鼠書屋因指  
瓶荷爲題命童子解九連環一次成詩一章  
須臾各成八章文不加點

深紅淺白抱金房  
斗室銀瓶貯水涼  
似是玉人都中酒  
各矜顏色鬪新妝

瓶荷

幾箇琅玕映碧池  
曉窗雲母見疎枝  
憐渠空有凌虛幹  
未化蛟龍君不知

窗竹

沿階一片小苔錢  
細雨能滋嫩綠鮮  
只恐有人深夜立  
露華暗濕透春妍

徑苔

盆蘭葉葉裊風斜  
紫莢深藏一朵花  
紉珮騷人今不遇  
國香徒使俗兒誇

盆蘭

霜毛鐵爪志高騫  
何事低頭傍架蹲  
狐兔近來多窟宅  
會須一掃淨秋原

架鷹

栖身暫向畫梁邊  
翠幙朱簾任往還  
莫道謝家常可戀  
烏衣門巷幾回遷

梁燕

野雉朝雒格格聲  
秫田麥隴露華清  
自從鎖向樊籠裏  
縱有高鳴亦不平

籠雉

戲藻穿蘋躍錦鱗  
競將名目擬佳人  
可憐最是楊妃舌  
一點胭脂出絳唇

缸魚

題畫

遙峰拖翠水潺潺  
溪竹樹平疎野屋閒  
記得馬頭曾過此  
不知夢裏是何山

漢江送別

征衫未拂馬頭塵  
才渡瀟湘又向秦  
夕陽城上人吹角  
落木蒼蒼漢口津

題醉仙圖

聞道君王解愛才  
九重扶得醉仙來  
可憐絕世清平調

只換真妃七寶杯

三變芙蓉

芙蓉顏色曉凝霜一瞥輕紅換紫棠世上無花堪比豔  
玉妃晚作醉來妝

重登赤壁磯

江色蒼茫帶月流蘭燈影裏草蟲秋經年風物仍如昨  
重聽紅簫感舊遊  
酒滿鸕鷀月過城菱歌淒絕不勝情再來恐是深秋後  
坐對疎花到二更

揚州西郭送柳大舟還蜀

潮落江干雨未收市樓醉別酒如油城西便是還鄉路  
萬疊青山萬疊愁

己巳十二月二十三日宿水寨聞人家爆竹聲

口號

爆竹聲催歲又終聽來不與去年同定知今夕難成寐  
坐對寒窗剪燭紅

客懷何事久淒然聽盡殘更猶未眠不信故鄉千里月  
夜深獨照汝南船

芻靈燈火近如何野水荒山夢裏過客久不知年事逼  
今宵添得淚痕多

停橈水寨已黃昏  
爆竹聲聲動旅魂  
拭盡淚痕衫袖濕  
知予不是戀家園

屈翁山先生以四詩寄我論詩大旨與鄙意符  
合先生沒後乃見其詩於集中作此寄弔

一代聲名出至公  
詩人原自屬英雄  
笑他江左耽吟客  
盡落元和變調中

寫出丹陵雙鳳皇  
墨痕着紙已飛翔  
神仙別有升天骨  
不是人間服食方

南海詩壇有大宗  
負書懷餅願相從  
一聞太白騎鯨去  
夢斷羅浮四百峰

信知天下真才少  
豈有真才不愛才  
五載已判書斷絕  
三年遺集忽重開

未見斯人但識名  
無端涕淚爲君傾  
山川奇氣從今盡  
即有才人異代生

### 望天平山後

攀藤直上最高處  
萬壑千峰向此分  
欲尋僧寺不知路  
時聽鐘聲隔水雲

### 蕪湖遇雨

亂帆無數逐驚飈  
過鼓無聲塔影搖  
柳色城邊逢暮雨  
桃花江上落春潮

張園水步見艤舟女郎渡跳版入遊重過此遂

題

過雨垂楊帶小樓曾逢春女踏春遊欲尋羅襪凌波跡  
溪口花深不見舟

見鳥

布帽提筐採蕨薇仰看鵲舉想姪飛平生幹略應無濟  
二十年來萬計非

康熙辛巳村居半載錄定前後詩草得一千八百篇其放失刪廢者不在此數遂吟二十八  
字

屈指前朝十數公出羣之傑首空同私將尺寸量江海  
五百年來媿放翁

送別

笑問先生歲暮時雪中驅馬欲何之如今海內無英傑  
獨抱殘書投向誰

時俠

五載交遊遍薊門如今豪俠不堪論黃金白刃相傾軋  
但報睚眦不報恩

題繁川春遠圖

繁川春遠圖寫新繁先壟先壟自松柏之外有桃

花數里春色爛熳多遊人車騎亂後祖父來江北

五十年無人歸拜家夫子乃手布此圖石濤寫色

焉

五十年前似此圖老親淚眼記模糊即今野草重兵火

留得桃花有幾株

惠山對酒

錄事觥籌捲白波主人有酒客高歌丹山綠水年年在

無那人生老去何

讀王先民詩集

先朝萬曆中江都陸無從弼王先民醇詩名籍甚

今遂無傳者無從集許氏猶藏之先民集今乃見

於人家讀之三歎

先朝郡邑論詩客陸弼王醇大有名遺集百年人不問

沈吟萬古涕縱橫

戲題九首

合肥相國李夫子愛我詩歌似古人國士未酬知己願

三年西望淚沾巾

李文定公見余詩謬蒙過愛入都留居貞松堂對人嘗有太白之目

東山李白入長安狂客先稱蜀道難我亦中原逢賀監

為傳詩卷滿河干

賀天山先生江東名宿有人携余北征入汴詩十七首先先生見之遂為作序並賦古詩四章見投至揚屢

訪余焉

南海今推第一人驚才絕俗許誰隣千秋方駕遙相許

萬里心期若有神屈翁山前輩見余掣鯨堂詩即寄余詩末一首云開元大曆十餘公盡在高才變化中誰復光芒真萬丈

謫仙猶讓浣花翁見客時稱余詩不置

袖拂紗籠未足才倡樓僧僻付塵埃自傷零落桃花句

猶上春燈照酒杯余遊城西紅橋有句云春水柳條濃淡綠桃花人面淺深紅友人康堯賡特作雙鉤剔墨紗燈以二句書

其上延辭人共賞之一詩頗有傳誦者

落雀詩成自笑奇當時句度太支離賢王估曲曾經賞

名輩風流更屬題昔年偶作樂府一闕曰落雀携見勤郡王者乃集各輩讀之多不能句度一時李唐思輩皆擬作焉

金壇于子不相識斯事推予越近今辭賦未應終蕪沒

人間時復有知音金壇于子英未相識也序吳門龔生詩曰費滋衡真能為古人詩者并編龔以序之言問予

北征哀歎一篇詩屈指平生只此詞把示他人猶墮淚

便堪千載不須疑余賦北征哀歎曲成以示人讀而流涕不竟讀者數人黃叔威能詩者也云此漢人語同時有擬此體者

弱冠才名遠近喧遊梁詩句足消魂當時一卷傳閨閣

曾印蕭娘粉拍痕弱冠遊中州賦詩一卷朋輩摹寫遂為閨閣傳誦

古詩樂府擅京華盡掃猥靡自一家屈指當時同志輩

孝標江夏各天涯丁丑在都倡古詩社余與黃叔威劉靜伯實主其議頗為時所稱

諸少年各述生平快意事或四五或七八次第

及予余檢點平生曾無一快惟數年前時夢

飛舉渡海瞬息千里頗用栩栩自樂內經云

陽虛夢飛余之所快即余之病悲夫乃吟一

絕不知涕之所從也

投壺爭博與時違  
話到傷心淚欲揮  
若計平生快意事  
夢魂曾踏海霞飛

南園集瞽女歌小曲有楊雲者以歌擅場

南園絃管鬪紛紛  
女史妖歌不易聞  
唱到鷓鴣聲轉處  
芙蓉浦上度紅雲

感事

糟坵常侍官階貴  
典醬尚書位號新  
水族加恩今已遍  
田青申潔盡波臣

贈摹古陸其清

潘岐善仿東坡蹟  
鐵石能爲逸少書  
近日陸生稱妙手  
唐仇文沈盡臨摹

憶江南

春來無地不融融  
却憶江南景不同  
節過小寒一百二  
梅花風到棟花風

與黃叔威同舟之高郵各出詩稿相示遂至夜

分

城上烏啼夜欲分  
扁舟今夕更論文  
本初之徒不足數  
天下英雄惟使君

常山體

鄰家莫笑主人貧  
主人食肉未經旬  
猶有十錢堪買酒  
鄰家莫笑主人貧

雙鳥

國門一字易千金  
得失由來驗寸心  
莫道斯文無識者  
花間雙鳥是知音

乞食

破家伍負伏蘆中  
寄食韓信把釣筒  
自古憐才惟女子  
世間無用是英雄

合肥晤孫韓穉

客中相遇清明節  
側帽掀髯唵興長  
他地再逢應記取

棣棠花下酒盈觴

棣棠見金高談詩

蜀山太史今文伯  
桐邑先生得主人  
詩卷一時成倡和  
侍郎賓客擅千秋

秋海棠

露月淒寒小院東  
含羞猶似怨秋風  
當時腸斷知何事  
牆角依依淚點紅

西府垂絲共一春  
漫隨桃杏醉芳晨  
儂家別種秋深色  
妒殺昭陽絕代人

黃蕊作團魚子細  
紅苞相對絳唇開  
南塘幾疊如屏障  
曾與青裙鬪酒來

薛蘿陰處移殘月蟋蟀吟時上夜燈不向此中尋氣味  
道渠傾國亦何曾  
秋陰深護綠苔墻寂莫秋容淺淡妝莫把秋心容易吐  
恐教人想杜秋娘  
壽海棠如富室女秋海棠如貧舍娃處處敲門尋酒伴  
不知秋色在君家

刻詩稿粗成東黃叔威吳青霞董家三徐澄齋

徐南臺張漢瞻

少賦凌雲慕子虛欲憑才氣駕黃初年衰始悔前言誤  
只與空同作屬車

郭善夫還秦時僕思還蜀約同舟向楚已僕不  
果善夫遂西僕適至海隅感而寄此

言歸未得與君齊董相祠前手重攜我作伯勞君作燕  
烟江雲海各東西

黃樹功江園看牡丹

牡丹舊說天彭好自古人稱賽洛陽今日對花增感慨  
紅雲堆裡憶家鄉

宮怨

絳蠟成花照綺樓玉欄葉落晚來稠寒宵舞盡霜沾袖  
未得君恩賜錦裘

紅顏白髮

別館徵歌意可傷  
紅顏白髮暗相當  
花前莫攬芙蓉鏡  
照見潘郎鬢有霜

聞笛

旅舍金陵鬢欲霜  
夜聞漁笛起滄浪  
侯家客散黃金盡  
春燕銜泥歸畫梁

泊舟真州新城

洞口桃花壓短篷  
武陵夢入兩皆紅  
春江夜半潮聲落  
疑是湘妃瑟未終

霜月

今夕何夕霜明寒  
驚鴻照眼何翻翻  
美人歌舞紅燭下  
紅燭半銷歌未闌

懷劉德鑣客中州

劉生作客未還家  
南望歸雲驛路賒  
梁苑月明今夜夢  
故園春已到梅花

贈妓

十載風沙老薊城  
醉歌南曲不勝情  
那知今夜邊關雪  
暗向吳娃鬢上生

當壚

珠箔光寒日午時  
梅花飛起雪參差  
當壚不肯留人醉

笑罵幽州輕薄兒

過朱若符前輩

邪許輪蹄寂不聞  
依人只有白鷗群  
垂楊四繞陶公宅  
欲聽琴聲隔綠雲

春醪

開滿棠梨過野橋  
天涯寒食雨瀟瀟  
青山到處英雄骨  
安得春醪徧地澆

送許闇如遊越中

離離春艸滿原生  
極目西陵去國情  
吹徹玉笙羅袖冷  
燈光如水夜三更



